



KALAALLIT NUNAANNI AATSITASSANUT PERIUSISSIAQ 2025-2029

Aatsitassanut suliassaqarfik piujuartussaq



Naaja H. Nathanielsen

Inuussutissarsiornermut, Niuernermut, Aatsitassanut,
Inatsit Atuutsinneqarnerannut Naligiissitaanermullu
Naalakkersuisoq

Siulequtsiussaq

Nunarsuatsinni taamaallaat aatsitassarsiorfimmik ingerlatsineq tunngavigalugu periarfissaasut pinngitsoorneqarsinnaanngillat. Eqqatsinniittut annertunersai, ulluinnarni atortakkagut, aatsitassarsiorfimmik ingerlatsinermeersuupput. Taamaattumik nunarsuarmi inuiaqatigiit ineriartortinneqaannarnissaannut aatsitassarsiornermik suliffissuaqarneq pisariaqarpoq. Aatsitassarsiornermi suliffissuaqarneq teknologiinut nutaanut, mingutsitsinnginnerusunut, kisianni aamma inuussutissarsiutinut pioreersunut, soorlu illuliortiternermik sanaartornermillu inuussutissarsiortunut, attaveqaasersuutinut assartuussinermullu suliaasaqarfimmut, pilersuisuuvoq.

Nunarsuarmi aatsitassanik pisariaqartitsineq najukkani nunamilu namminermei sullivissanik pilersitsisinnaavoq siuariartortitsisinnaallunilu, taamaalillunilu piujuartitsiviunerumik patajaannerumillu aningaasaqarnikkut tamatsinnut ineriartortitseqaatasinnaalluni.

Piujuartitsineq inuiaqatigiillu

Suliassat ineriartorneranni immikkoortuni tamaginni pinngortitap mianerineqarnissaa uagutsinnut, kisianni aamma aningaasaliisartunut, pingaaruteqartorujussuuvoq.

Aatsitassarsiornermi ineriartortitsinerup avatangiisinut inuiaqatigiinnullu akisussaassusilimmik ingerlanissaa najukkani nunarsuarmilu pingaaruteqarpoq. Aatsitassarsiornermi suliffissuaqarnermi sulisut pitsaasumik aningaasarsiatigut atorfinnertigullu atugassaqartinneqassasut piumasaraarput, aammalu ilinniartitaanerup qaffassisumiiginnarnissaa suliffeqarnermilu suaassutsit assigiinngisitaarnissaat suli qulakkiissavagut.

Inuussutissarsiornerup ineriartortinnissaanut najukkami inissisimatitsinissaq aalajangiisuullunnartumik pingaaruteqarpoq. Najukkaneersut tapersersuinissaat pisariaqartinneqarpoq. Tamatumani suliassani sulianillu ingerlatitsinerni oqartussat suliarisassaanni paasiuminartuutitsinissaq ersarissuutitsinissarlup pisariaqarpoq. Piffissami periusissiap atuuffissaani oqartussat suliffeqarfillu imminnut attaveqarfigisarnerat, nunap immikkoortuini inuussutissarsiortut suliassallu sumiiffiini najuulluni ataatsimiittarnertigut aamma nukittorsarniarparput.

Nunarsuarmi aningaasaliinerit ilinniartitaanerlu

Nunarsuarmi aatsitassanik ujartuinerup Kalaallit Nunaanni nunap iluanik ukkatarinninnerulersitsinissaa aatsorsuutigineqarpoq. Kisianni nunap sannaata pitsaasuunerata eqqumaffiginnilersitsinerinnaa naammanngilaq. Aatsitassarsiorfissanik ineriartortitsinissaq ukiorpassuit ingerlaneranni annertoorujussuarnik aningaasaliiviusussaa voq, taamaattumillu aningaasaliisartut annaasaqarsinnaasarnnerisa annikillisinissaa pisariaqartinneqarpoq. Suliassaq taanna ilaatigut politikkikkut aammalu niuerfinniinnaanngitsoq, aaqqiivigineqassaaq. Taamaattumik aningaasaliinernut killissaliussanik suliaqarnissaq, piffissami periusissiap atuuffissaani nutaami suliassaavoq pingaaruteqartoq. Tamatuma saniatigut allaffissornerup eqaannerulersinnissaanik suliaqarneq ingerlaannassaaq.

Nunami namminermi suliassa qarfimmi atorfinnut najukkaneersut pilerilersinniarlugit innuttaasunut atitunerusumik annguttarnissaq ukkatarineqassaaq. Tassani pineqarput inissisimaffinni tamaginni atorfinitsitsinerit, angutitut arnanullu siunnerfeqartinneqartut.

Kiisalu annikitsumik aatsitassarsiornermut suliassa qarfiup nukittorsarnissaa annertusarneqarnissaalu ersarissumik pingaartinneqarpoq.

Nunani tamalaani suleqatigiinneq

Piffissami periusissiap atuuffissaani pisussami nunani tamalaani suleqatigisartakkanut attaveqarnerit isumaqatigiissutillu nukittorsarniarpagut. Nunat kattuffiillu arlallit ataasiakkaarlugit arlariitullugillu suleqatigereerpagut. Tamanna ingerlaannassaaq aammalu nunanut aatsitassanik eqqussuisartunut, aningaasaliisartunut aammalu suliffissuarnut aatsitassaatsinnik pisisarsinnaasunut attaveqarfeqarnigut annertusitillugit annertusaassaagut.

Nunatsinni aatsitassarsiornermut suliassa qarfiup ineriartortinneqarneranik suliaqarneq aallaaviatigut nunanut tamalaanut sammitinneqarpoq. Kisianni suliaqarnermut tamarmut tunngavigisat, nunatsinni isumalluutit innuttaasunut iluaqutaasumik atorluarneqarnissaat pillugu anguniagaqarnermiipput. Aatsitassanik piiiaaneq Kalaallit Nunaannut iluaqutaassaaq.

Imai

Siulequtsiussaq	2
Eqikkaaneq: Ukkatarinniffiusut, siunnerfiit suliniutissallu	5
Aallaqqaasiut	10
Takorluugaq	11
Ukkatarineqartussaq 1: Piujuartitsineq inuiaqatigiillu	13
Inuiaqatigiinni iluanaarutissat	13
Aatsitassarsiorfiup atuuffissaani immikkoortuni tamaginni aningaasarsiortitsineq	14
Silap pissusaa avatangiisillu	16
Ilinniartitaaneq sulisussallu	17
Suliffissuaqarneq suaassutsini assigiinngisitaartitsiviusoq	18
Digitalimik najuunnissaq	18
Ukkatarineqartussaq 2:	20
Aningaasaliinissamut sinaakkutissat orniginartut	20
Aningaasaliinerit	20
Akuersissutit piumasaqaatillu	23
Allaffissorneq suliassanillu suliarinninneq	23
Aaqqissuussaannerup ilusiligaanera	24
Najukkani inissisimatitsineq	25
Ukkatarineqartussaq 3: Aatsitassat pisariaqartinneqarlutik pingaarutillit	26
Aatsitassat pisariaqartinneqarlutik pingaarutillit	26
Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat	30
Nunap assiliorneq	31
Geofysik aamma Remote Sensing	32
Qaqqat sisoortarnerat alapernaarsuinerlu	34
Paasissutissanik nalunaarsukkanik pilersitsinissaq avitseqatigiittarnissarlu	35
Carbon Capture and Storage (CCS)	35
Qillerummit qaqitanut toqqorsivik	37
Naggasiineq	38
Ilanngussaq 1: Aatsitassanut periusissiaq aamma Naalagaaffiit Peqatigiit nunarsuarmi anguniagaat	39
Ukkatarinniffik 1: Piujuartitsineq aamma inuiaqatigiit	39
Ukkatarinniffik 2: Aningaasaliinissamut killissaliussat kajungernartut	41
Ukkatarinniffik 3: Aatsitassat pisariaqartinneqarlutik pingaarutillit	44
Ukkatarinniffik 4: Nunap assiliorneq aamma nunap sannaanut paasissutissat nalunaarsukkat	45

Eqikkaaneq: Ukkatarinniffiusut, siunnerfiit suliniutissallu

Aatsitassanut periusissiami ukkatarineqartussat sisamat suussusersineqarput:

Ukkatarineqartussaq 1: Piujuartitsineq inuiaqatigiillu

Ukkatarineqartussaq 2: Aningaasaliinissamut sinaakktissat orniginartut

Ukkatarineqartussaq 3: Aatsitassat pisariaqartinneqarlutik pingaarutillit

Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat

Ukkatarinniffiusussat sisamat taakkua kisimiitinneqarsinnaanngillat, kisianni ataatsimoorlutik aatsitassanut suliaasaqarfimmi politikikkut takorluukkanut tunngavissisussaallutik.

Suliaasaqarfiit tamarmik immikkut iluanni siunnerfiit aamma suliniutissat aalajangersimasut arlallit, piffissap periusissiap atuuffissaata iluani ingerlanneqartussat, nassuiarneqarput. Suliniutissat assigiinn-gisitaartunik suliaasartaqarput, kisianni siunnerfiit iliuusissani aalajangersimasuni inissisimatillugit.

Aatsitassanut periusissiami siunnerfiit Naalagaaffiit Peqatigiit Nunarsuarmi anguniagaannut arlalinnut tunngavissiipput. Ilanngussaq 1-imi Kalaallit Nunaanni tikkuussisut suliniutissallu, aammalu taakkua Naalagaaffiit Peqatigiit Nunarsuarmi anguniagaannik qanoq naammassinninnersut, takussutissiorne-qarput.

Ukkatarineqartussaq 1: Piujuartitsineq inuiaqatigiillu

Siunnerfik	Aatsitassarsiornermi suliffissuaqarnerup piujuartitsiviusumik inuiaqatigiinni ineriartortinnissaata qulakkeerneqarnissaa.
Suliniutisat aalajangersimasut	1.1. Aatsitassarsiornermi suliffissuaqarnermut isummertarnerit pillugit innuttaasuni misissuinerik minnerpaamik marlunnik ingerlatsinissaq. 1.2. Aatsitassanut suliaasaqarfimmi paasissutissiisarnerup ukkatarineqarnera, ilanngullugit ilinniartitaanermut suliffissanullu periarfissat, aammalu aatsitassanut suliaasaqarfik aamma aatsitassat inuiaqatigiinni aningaasarsiortitsinerat pillugu innuttaasut oqaloqatiginerunissaat. 1.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa. 1.4. Avatangiisini inooqatigiinnermilu tunngavissanut kiisalu suliffeqarfiit pissusilersortarnerannut tunngatillugu (ESG-nut suliaasaqarfik) aatsitassarsiornermi suliffissuarnik oqaloqateqarneq. 1.5. Suliniutinik, ataavartumik nukissiuutinik atuineri suliffissuarnut pitsaannerusunik atugassaqaqtitsilersinnaasunik, suliaaqarneq aallartitsinerlu. 1.6. Ilisimatusarfinnik Issittup aamma ataavartumik nukissiornerup, assersuutigalugu erngup nukinganik seqernullu nukinganik, iluani misilittagalinnik suleqateqarnerulernissaq. 1.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa. 1.8. Aatsitassarsiornermi suliffissuaqarnermi suaassutsinut misissueqqissaarnernik aamma suaassutsit agguarsimanerannut naatsorsueqqissaarnernik aallaaviusussanik suliaaqarneq. 1.9. Suliffeqarnerup suaassutsinut agguarsimasup akiornissaa siunertaralugu aatsitassarsiornermi suliffissuaqarnermi sullivinnut naligiissitaanerup paasititsiniutiginerata ingerlanneqarnera. 1.10. Aatsitassarsiornermi suliffissuarnut naligiissitaanermut ilitsersuutinik, ingerlatseqatigiiffiit ingerlatseqatigiiffiup suliaasaqarfiisa immikkoortuini tamaginni suaassutsinik tamaginnik akuliutsitsinerulersinnaanersut, erseqqissaasunik, suliaaqarneq. 1.11. Aatsitassanut suliaasaqarfimmut paasissutissiisarnermut nittarsaassisarnermullu periusissiamik nutaamik suliaaqarneq atuutsitsilernerlu.

Ukkatarineqartussaq 2: Aningaasaliinissamut sinaakkutissat orniginartut

Siunnerfik	Piujuartitsisussamik, aningaasaqarnikkut siuariartortitsivugut.
Suliniutisat aalajangersimasut	2.1. Aatsitassanut nittarsaassivimmi Prospectors & Developers Association of Canada Convention (PDAC) nittarsaassisarnerup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq. 2.2. Ilaatigut avammut nioqquteqarnermut eqqussuinemullu aningaaseriviit aq-qutigalugit suliassat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa. 2.2. Ilaatigut avammut nioqquteqarnermut eqqussuinemullu aningaaseriviit aq-qutigalugit suliassat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa. Kalaallit Nunaanni akileraarutitut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit. 2.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput. 2.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aq-qutissiuusisarneq. 2.6. Aatsitassat ataasiakkaat nassaarineqartut naleqarnerulersinnissaat siunertaralugu annikitsumik aatsitassarsiornermut suliassaqaarfimmi pisinnaatitsissummik pigisaqartunut akuersissummik allagartaliisarnernut aqqqissuusinerimik ineriartortitsineq. 2.7. Ataasiakkaatigut pisariaqartitsilernerimmi aammalu isumaqatigiissut taamaattoq aatsitassarsiornermi suliffissuaqarnermut tunngavissisinnaappat, siunnerfilimmik akileraartarnermut isumaqatigiissutit sulissutigineqarnerat. 2.8. Suliffissuit akornanni sunneeqatigiittarnerup tunngavissinnissaanut, ilaati-gullu assartuussinerup internet-ikkullu attaveqaqatigiinnerup iluanni attaveqaasersuutit nukittorsarniarlugit, pisortani oqartussat akornanni suliassaalertartut suleqatigiissutiginerulernissaat. 2.9. Naalakkersuisoqarfiup peqquserluttoqannginnissaanut politikkiata nutarterneqarnera. 2.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarfik attaveqaqatigiinnerulernissaq ilanngullugu. 2.11. Suliassanik suliarinittarnerup eqaannerulersinneqarnissaa siunertaralugu akuersissutitut suleriaatsinik, atugassarititaasunik nalinginnaasunik il.il nutarterineq.

Ukkatarineqartussaq 2: Aningaasaliinissamut sinaakkutissat orniginartut

Siunnerfik	Piujartitsisussamik, aningaasaqarnikkut siuariartortitsivugut.
Suliniutisat aalajangersimasut	2.12. Aatsitassanut Ikummatissanullu Aqutsisoqarfiup piffissami asimi suliaqarfiusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq. 2.13. Aatsitassanut ikummatissanullu allaffissornikkut aqutisut (Naalakkersuisoqarfik aamma Aqutsisoqarfik) aaqqissuussaanerisa misissoqqissaarneqarnissaannik ingerlatsineq aamma aaqqissuussaanerup ilusiligaanerani nutaamik atuutisilersinnaaneq. 2.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujartitsisumik ingerlatsinissap nukittorsarnissaa. 2.15. Pisortat suliassaqarfiisa, aatsitassarsiornermik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqutissiuussisarneq. 2.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqutissiuussineq.

Ukkatarineqartussaq 3: Aatsitassat pisariaqartinneqarlutik pingaarutillit

Siunnerfik	Iliuseqarnissamut piujartitsiviusumillu ineriartortitsinissamut suleqateqarnigut nukittuujupput.
Suliniutisat aalajangersimasut	3.1. Aningaasarsiorfiit piujartussat pillugit EU-periusissatut suleqatigineqarnerata atuutsinneqalernissaa. Aningaasarsiorfiit piujartussat pillugit EU-periusissatut suleqatigineqarnerata atuutsinneqalernissaa. 3.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa. 3.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikkikkut pissutsinit aqunneqarsinnaapput. 3.4. MSP Forum-ip Kalaallit Nunaat pillugu paasissutissiinermut suliassanullu aningaasalersuinerup tunngavissinnissanut atorineqarnissaa.

Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat

Siunnerfik

Paasissutissanut nalunaarsukkanut tunngavissat, aatsitassarsiorluni misissuinermik aamma aatsitassanut tunngasunik suliaqarnermi aningaasaliinisamik orniginartunngortitseqataasussat, pitsanngorsarneqassapput.

Pinngortitami ajunaarnersuaqarnissaanik pitsaaliuinerup nukittorsarnissaa, qaqqat sisoortarnerannut suliassaqaarfik immikkut sammillugu.

Suliniutissat aalajangersimasut

- 4.1. Nunap sannaanut 1:100.000 angissuseritillugu nunap assiliornerup ingerlatiinnarnissaa.
- 4.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsisussanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliinermi annaasaqarsinnaanerannut annikillisitseqataanissaq.
- 4.3. Geofysiskinut paasissutissat nalunaarsukkat suussusaannik, katersorneqartussanik suussusersiinissamut kiisalu nunap assiliornerup tulleriinilersorneqarnissaanik pingaarnersuiuinissamut piareersaataasumik misissuataarinerup ingerlanneqarnera.
- 4.4. Nunap immikkoortuini geofysiskinik misissuinissanut qaammataasatigullu paasissutissanut nalunaarsukkanut aningaasalersuinissamut periarfisanik qulaajaaneq.
- 4.5. Ilisimatusarfinnik suleqateqarnerup ingerlatiinnarnissaa, nutaanik suleqatigiinnissamut isumaqatigiissuteqarneq.
- 4.6. Qaqqani sisoorfiusartunik qajannartortalinnik nakkutiginninnerup ingerlatiinnarnissaa.
- 4.7. Qaqqat sisoortarnerannut nunap assiliornissamut pisussanut pilersaarumik atuutsitsilernissaq.
- 4.8. Pinngortitami ajunaarnersuaqartarnermut suliassaqaarfimmi innuttaasunik paasissutissiisarnerup annertusarneqarnerata ingerlatiinnarnissaa, ilanngullugu nunap assinginik qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaarnersuaqartarnerit pillugit paasititsiniaanerup ingerlanneqarnissaa.
- 4.9. Qaqqat sisoornissaasa aarlerinaateqarnerannik ujarassiornikkut nalilersuinissamut periusissiamik suliaqarnissaq.
- 4.10. Nunap sannaanut ilisimatuussutsikkut paasissutissat nalunaarsukkat nit-tartakkatigut pissarsiariuminarnernissaat.
- 4.11. Kalaallit Nunaata avannaani ujaqqanik pinneraasiassanik ujarlernermut ilitsersuutip suliarineqarnera tamanullu saqqummiunneqarnera.

Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat

Siunnerfik	Paasissutissanut nalunaarsukkanut tunngavissat, aatsitassarsiorluni misissuineramik aamma aatsitassanut tunngasunik suliaqarnermi aningaasaliinisamik orniginartunngortitseqataasussat, pitsanngorsarneqassapput. Pinngortitami ajunaarnersuaqarnissaanik pitsaaliuinerup nukittorsarnissaa, qaqatqat sisoortarnerannut suliaasaqarfik immikkut sammillugu.
Suliniutissat aalajangersimasut	4.12. CO₂-nik unerartitsisarnermut toqqorsivimmiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa . 4.13. Qillerummit qaqitanut paasissutissaasivimmik nutaamik pilersitsinissaa. 4.14. Qillerummit qaqitanut toqqorsivimmik nutaamik pilersitsinissaa. 4.15. Qillerummit qaqitanik, periaatsimi nalunaarsorneqarsimanngitsunik, nalunaarsuinerup aallartinnissaa.

Aallaqqaasiut

Aatsitassanut periusissiaq Naalakkersuisut aatsitassanut suliaasaqarfimmi politikkiinut suliniutissaannullu sammivissaliivoq. Periusissiap Aatsitassanut periusissiaq 2020 – 2024, taarserpaa aammalu inuussutissarsiorlunit soqutigisaqartuniillu immersorneqarnikkut Naalakkersuisunit suliarineqarluni.

Siusinnerusuklut periusissiami ukkatarineqartut tallimaapput: 1. Nunap sannaani ilisimasanik avitse-qatigiittarneq nukittunerusoq, 2. Suliassanik suliarinnittarneq sunniuteqarluartoq, takorlooruminar-toq ersarissorlu, 3. Aatsitassarsiorluni misissuinermit piiaanermut pisariinnerusumik ikaarsaarneq, 4. Aatsitassarsiornermik suliffissuaqarnerup puijuartitsiviusumik ineriartortinnissaa aamma 5. Akile-raarutitut aamma royalty-nut ilusiliaq unammillersinnaassuseqartoq. Siusinnerusuklut periusissiami aatsitassanut suliaasaqarfiup ineriartortinnissaanut pingaarnertiguunerusoq periusissatut pilersaarute-qarnissaaq sulissutigineqarluni, Aatsitassanut periusissiami nutaami suliniutissat uuttorneqarsinnaal-lutik, aatsitassanut suliaasaqarfimmut siunnerfiit erseqqissarneqarput. Suliniutissani siusinnerusuklut periusissiami suliniuteqarnerni suliaasaqarfiit arlallit tunngavigineqarput:


- Nunap sannaanut paasissutissat nalunaarsukkat annertusarneqarnissaat pissarsiariuminar-tuutinnissaallu suli sulissutigineqassaaq, tassami Kalaallit Nunaata ilarujussua taamatut anner-tussusilimmik aammalu paasissutissat nalunaarsukkat suliffissuarnit ujartorneqartartut paasi-narsisinneqarsimanngimmata.
- Sunniuteqarluartumik suliassanik suliarinnittarnissap ukkatarineqarnera ingerlatiinnar-neqassaaq, kisianni 2025-2029-mut Aatsitassanut periusissiami suliniutissat arlallit ani-ngaasaliinernut sinaakkutissanik orniginartunik pilersitsinissap tungaanut sammitinneqarput, tassami aningaasaliisussaqaannginneq aatsitassarsiorluni misissuinermut ingerlatseqatigi-iffinnut, angisuunut mikisunullu, nunarsuarmi anigorniagassaaammata.
- Naggataatigut, kisianni minnerunngitsumik, aatsitassanut suliaasaqarfiup piffissami periusis-siap atuuffissaani kingullermi puijuartussatut ineriartortinnissaata sulissutigineqarnera aal-

larniutigineqarpoq. Suliaqarneq taanna annertusarneqassaaq erseqqissarneqassallunilu, peqatigisaanillu suliniutissat aatsitassanut suleqatigisartakkatsinnit pingaaruteqarlutik pinngitsoorneqarsinnaanngitsutut nassuiarneqartartunut attuumassuteqartunik ilassuserneqassallutik.

2025-2029-mut Aatsitassanut periusissiami atituumik isigalugu piujuartitsineq Naalakkersuisut sulisutigaat. Aatsitassarsiornermi suliffissuaqarnermi ingerlavissat arlallit iluanni piujuartitsineq taaguutitut atorparput, ilanngullugit inooqatigiinnermi piujuartitsineq, avatangiisini piujuartitsineq aammalu aningaasaqarnikkut piujuartitsineq.

Inooqatigiinnermi piujuartitsineq, ilaatigut suaassuseq apeqqutaatinnagu, suliffeqarnermi toqqissisimanartunik atugassaqaqtitaanissamut, aammalu ilinniarnissamut sulinissamullu pisinnaatitaanermut periarfissaqarnermullu, attuumassuteqarpoq.

Avatangiisini piujuartitsineri pinngortitamik avatangiisinillu sapinngisamik annertunerpaamik mianerinnittumik pissusilersornissamut ersarissunik sinaakutissiinissaq qulakkeerneqassaaq. Aningaasaqarnikkut piujuartitsineq inuiaqatigiit eqqarsaatigalugit aningaasaqarnikkut siuariartortitsissaaq, taamaalilluni ineriartorneq naapertuuttumik ingerlanneqassalluni.



Ilusiliaq 1: Piujuartitsineri ilusiliaq, aningaasaqarnikkut, inooqatigiinnikkut avatangiisitigullu piujuartitsinerup ataqaqatigiinnerannik takutitsivoq.

Periusissiaq imatut atuarneqassaaq

Suliniuteqarfissat oqaasertalersorneqartut, suliniutissat sorliit periusissiami takorluukkanut siunnerfinnullu tunngavissiilluarnerussanersut, nalilersuinikkut suussusersineqarput.

Kapitalit naaneri tamaasa immikkoortukkaani suliniuteqarfissat ataasiakkaat iluanni suliniutissat aalajangersimasut iliuuseqarnissamullu sammisut allattorneqarput. Iliuuseqarfigineqartussat taakkua piffissap periusissiap atuuffissaata iluani ingerlanneqartussat pilersaaruserneqarput.

Takorluugaq

Aatsitassaatigut siuariartortitsissapput atugarissaalersitsissallutillu

Aatsitassarsiornermi suliffissuaqarneq siunissami inuiaqatigiit aningaasaqarneranni annertunerusumik ilaalissaaq, imminut nammattuussalluni arlalinnullu ingerlaveqassalluni: Aatsitassanut suliasaqarfik suliffissuaqarnermik attassisussatut, sullivissanik atugarissaarnerulernermillu qulakkeerissussatut ineriartortissavarput, peqatigisaanillu innuttaasut peqqissuunissaat isumannaatsuunissaallu kiisalu pinngortitaq avatangiisillu paarilluarneqassapput.

Inuussutissarsiorneq

Aatsitassanik atuinermi aammalu inuussutissarsiutip nukittorsarneqarnerani innuttaasunut arlalinnut isertitaqarfissanut nutaanik periarfissaqalersitsisoqassaaq. Aatsitassarsiornermi suliffissuaqarnerup iluaniinnaanngitsoq, kisianni aamma inuussutissarsiutini suliffissuarnut sullisartuni. Suliffeqarneq nukittoq atitoorlu, aatsitassarsiornermi inuussutissarsiorneq patajaatsuulluni, atugarissaalersitsilluni inuuniarnermillu qaffasinnerulersitsilluni. Tamanna ungasinnerusumut aningaasaqarnikkut arlaannaannulluunniit attuumassuteqannginnissamut namminersornissamullu periarfissaqarnerulersitsivoq.

Peqqinnissaq

Peqqissutsinut aatsitassanullu oqartussat aatsitassarsiorfiutileqatigiiffiit suleqatigalugit, aatsitassarsiorfiit eqqaanni patajaatsumik, nakorsaqaarnikkut upalungaarsimanissaq pillugu isumaqatigiissutinik suliaqassapput. Taamaattoq upalungaarsimasunut taakkununga akisussaaffik, taakua peqqinnissaqarfimmut pisariaqanngitsumik nanertuinnginnissaat siunertaralugu, aatsitassarsiorfinnit pisussaaffigineqassaaq.

Attaveqaasersuutit

Attaveqaasersuutit aatsitassarsiorfissami sumiluunniit pingaaruteqartunut ilaapput. Kangerlugut imarlu eqqatsinniittoq aqcutigalugu imaatigut aqcutissat, aatsitassanut suliaqarfimmut aamma iluaqutaasumik, attaveqaasersuutit ingerlalluartuunissaannik pisariaqartitsinitsinnut erseqqissaapput. Ilaatigut Geodatastyrelsen imaanut nunap assinginik nutarterinissaq pillugu suleqatigaarput, aammalu Nuummi Ilulissanilu, aammalu Qaqortumi timmisartoqarfinnik allilerinerit angallavinnik ataqatigiinnik pitsanngorsaasussaapput, taakkunatigullu aatsitassanut suliaqarfip ineriartornera tunngavissinneqassaaq.

Aatsitassat

Aatsitassanut suliaqarfik inuiaqatigiinnut tamakkiisunut kalluaavoq. Pisortat suliaqarfii akimorlugit suleqatigiinnerit nukittorsapagut, aammalu atituumik tapersorsorneqarnissaq ujjartorlugu.

Aalisarneq Piniarnerlu

Aatsitassanut suliffissuaqarneq assigalugu, aalisarnermik piniarnermillu inuussutissarsiuteqarnermi pinngortitaq aallaavigalugu isumalluutit pinngitsoorneqarsinnaanngillat. Suliffissuaqarnerit marluusut tamarmik pinngortitamut avatangiisinullu tunngasut ataqqillugit ineriartortinneqarnerisa isumaginnissaa, suleqatigiissutigaarput.

Avatangiisit

Aatsitassarsiorfimmik ingerlatsineri avatangiisinut piumasaqaatinut qaffasissunik malitassaqaarpugut, aamma nunanut tamalaanut ataqatigiissillugu isigalugu. Taamaaliornermi nunarput, nunarsuarlu, sapinngisamik annikinnerpaamik nanertorneqassapput. Ammasuunissaq aammalu avatangiisitigut akisussaassusilimmik sulinissaq pillugu aatsitassarsiorfiutileqatigiiffinnik oqaloqateqartarneq sulii ukkataarput.

Suliffeqarneq

Suliffeqarnermi assigiinngisitaartitsineq aammalu inuussutissarsiutinik arlalinnik nutaanillu ineriartortitsineq, innuttaasunut suliffeqalernissamut nutaanik arlalinnillu periarfissaqalersitsissaaq. Innuttaasut pisariaqartitsisut piginnaanngorsarnissaat piginnaasaqarfiisalu ineriartortinnissaat ukkataarput, taamaalillutik taakua sulisussani ilaalissallutik.

Ilinniartitaaneq

Nalinginnaasumik ilinniartitaanerup nukittorsarneqarnera inuiaqatigiit ineriartornerannut atituumik iluaqutaassaaq. Innuttaasut ilinniarnissaat sulii ukkataarput, ilaatigut KTI Sisimiuni Aatsitassalerinermut Ilinniartik aqcutigalugu, aammalu inuiaqatigiinni tamaginni najukkani sulisussanik pilersuinissaq sulii pingaartippaaput.

Ukkatarineqartussaq 1: Piujuartitsineq inuiaqatigiillu

Periusissiap iluatsilluarnissaanut aatsitassarsiornermi suliffissuaqarnerup tapersersorneqaannarnissaa, aalajangiisuulluinnartumik pingaaruteqarpoq. Tamanna nammineerluni pilernaviannngilaq, kisianni attaveqatigiinnissaq paasissutissiisarnissarlu pisariaqarlutik. Taamaattumik innuttaasut ingerlaavartumik paasissutissiivigineqartarnissaat aammalu suliniutit ingerlatassallu ingerlasut pillugit tusarniaaffigineqartarnissaat, periusissiami ukkatarineqartussamut pingaaruteqarpoq. Ilanngullugu aamma aatsitassarsiornermi suliffissuaqarnerup inuiaqatigiit tamakkiisuutillugit aningaasarsiornerata ersarissarnissaa.

Aatsitassarsiornermi suliffissuaqarnermi aalisartut, piniartut, savaatillit, takornariartitsisartut allallu inuussutissarsiutit mianeralugit suli sulineq ingerlanneqarpoq – taamatullu pinngortitami kulturikkullu pingaartitagut mianerineqartussaallutik. Tamatuma saniatigut nalillit aatsitassarsiornermi suliffissuaqarnermit pilersinneqartut qanoq inuiaqatigiinnut ingerlatinneqartarnersut takutinissaa Naalakkersuisut ukkataraat.

Siunnerfik: Aatsitassarsiornermi suliffissuaqarnerup piujuartitsiviusumik inuiaqatigiinni ineriartortinnissaata qulakkeerneqarnissaa.

Inuiaqatigiinni iluanaarutissat

Naalakkersuisut aatsitassanut suliassaqarfimmut tunngatillugu inuiaqatigiinni iluanaarutissanik misissueqqissaarnermik suliaqartitsipput. Naatsorsukkat tunisassiat aatsitassarsiornermi suliffissuaqarnermi aammalu inuussutissarsiutini allani, aatsitassarsiornermi suliffissuaqarnermi pilersuisussanik sulisitsiviusartuni, pilersinneqartut nalinginut, tunngassuteqarput. Tamatuma saniatigut, inuiaqatigiit sinnerini aningaasarsiornerulernertut ilusilimmik, aatsitassarsiornermi suliffissuarni aammalu suliffissuarni allani pilersuisuusuni aningaasarsiornerulersitsinermi, iluanaarutit malittaasut nassuiarneqarput.

Aatsitassanik peqarfinnik annertuunik Kalaallit Nunaat peqaraluartoq, aatsitassarsiornermi suliffissuaqarneq 2021-mi 316 mio. koruuninik, aningaasaqarnerup 1 %-ngajaannaanik, tunisassiorfiusimasoq, misissueqqissaarnermi takutinneqarpoq. Aatsitassarsiornermi suliffissuaqarnerup nalinga, aatsitassarsiorluni suliffissuaqarnerpiami aammalu suliffissuarni allani pilersuisuusuni il.il. tunisassiornerup nalingatut naatsorsorneqartoq, 445 mio. koruuninut missingersorneqarpoq. Tassani Kalaallit Nunaanni suliffeqarfinni tunisassiornerup kiffartuussinerullu nalingi pineqarput.

Suliffissuaqarnermi ingerlatseqatigiiffinni 30-ngajanni tamakkiisumik suliffissaqartinneqartut 100-t missaanniipput. Tamanna suliffissaqartinneqartut tamarmiusut 0,4 %-iisa missaannik annertussuseqarpoq. Appassisumiinnera, suliffissuit annertuumik nunanit allaneersunik sulisoqartarnerat, eqqarsaatigalugu isigineqassaaq. Misissueqqissaarnermi aammattaaq missingersorneqarpoq, inuit 10-t aatsitassarsiornermi suliffissuaqarnermi sulisorineqalernerit tamaasa, inuk ataaseq inuussutissarsiutini allani, aatsitassarsiornermi suliffissuaqarnermut suliassanik suliarinnittartuni, sulisorineqalertarpoq.

Mingutsitsinngitsumik nukissiornermut allanngortitsinissaq aatsitassanik pisariaqartitsiviusoq, aatsitassanik Kalaallit Nunaata nunap sannaani tapersiinnissamut periarfissaqarfigisaannik, annertoorujus-

¹ Deloitte, 2024: Makroøkonomisk analyse af den grønlandske råstofbranches samfundsmæssige betydning (Link: <https://govmin.gl/ka/publications/makroøkonomisk-analyse-af-den-groenlandske-raastofbranches-samfundsmæssige-betydning-deloitte-november-2024/>).

² Aatsitassarsiornermi suliffissuarni tunisassiorneq tassaavoq nioqqutissat tunisassiarineqartut sullissinerillu ilanngaasiinneginnermi nalingat. Nunami namminermit aningaasaqarnermut ataqatigiissillugu, nunatsinni tunisat ataatsimut nalingat, BNP, tunisassiornerup ilanngaasiinneginnermi nalingatut, tunisassiamut akileraarutit ilanngullugit (ilanngaaseereernermit) tunisassiornermi atuineq ilanngaatigalugu, naatsorsorneqartartoq, aamma atorineqartarpoq. BNP inuussutissarsiutini naatsorsorneqartannngilaq, taamaattumik tunisassiorneq aningaasaqarnikkut ingerlatat nalinganni tikkuussisutut atorineqarluni. Najoqqutarineqarpoq Naatsorsueqqissaartarfiup Naatsorsueqqissaarnernut katersugaatai.

suarmik ujartuilersitsivoq. Taamaalilluni aatsitassarsiornermi suliffissuaqarneq annertuninngorluni annertusiartornissamut aammalu aningaasaqarnerup, maannakkut aalisarnermit, takornariartitsisarnermit aammalu illuliornermik sanaartornernillu suliaqarnernit tunngaveqarnerusup, assigiinngisi-taartinneqalernissaanut, iluaqutaanissamut tunngavissaqarpoq.

Aatsitassarsiorfinnik ingerlatsineq maannakkorpiq killeqaraluartoq, aatsitassarsiornermi suliffissuaqarnermi aatsitassarsiorluni misissuineramik sanaartornernillu ingerlataqarneq pingaaruteqannginngitsumik suliaqarnernik malitseqarpoq. Aatsitassarsiorluni misissuinermi tammaarsimaarfinnik, inuiaqatigiit innaallagiamik pilersuinermut attaveqaasersuutaannit, pisiniarnissamut periarfissanut il.il. avinngarusimasumi inissisimasunik, ikkussuineq, ingerlatsineq piiaaqqittarnerlu inunnik ag-guaqatigiissillugu 60-it misaannik suliffissaqartitsiviuvuq. Taakkua ilaatigut assartuussinermik, nerisaqartitsinermik, ingerlasussanik piareersaanermik, VVS-inik, sanasutut suliaqartunik, svejse-rinermik, qillerinernik suliaqarnernik, qaartiterinernik, maskiinanik atortunillu attartortitsinernik iluarsaassisarnermillu, eqqagassalerinermik, isumannaallisaanermik kiisalu ujarassiornerup, geofy-sik-ip avatangiisillu iluanni misissueqqissaarnernik siunnersortitullu suliaqarnernik, suliaqartinneqar-put.

Aatsitassarsiornermi suliffissuaqarnermut taakkununngalu pilersuisuusunut tapiliullugu, aatsitas-sarsiorluni suliaqarnerit, inuussutissarsiuutini aatsitassarsiornermi suliffissuaqarnermut attuumas-suteqanngitsuni, malittaasunik sunniuteqartitsisarput. Malittaasumik sunniinerit, atuinerulernertut aningaasaliinerulernertullu ilusillit, aatsitassarsiornermi suliffissuaqarnermi taakkununngalu pilersui-suusuni aningaasarsiorititsinermik aallaaveqarput.

Aatsitassarsiornermi suliffissuaqarnermi aningaasaqarnikkut ingerlataqarnerit, inuit akileraarutaannit, ingerlatseqatigiiffiit akileraarutaannit pissarsianullu akileraarutinit kiisalu royalty-nit pisortat karsiinut isertitaqartitsisarput. Ingerlatseqatigiiffiit inuillu akileraarutaattut kiisalu royalty-tut ilusilinnik aatsi-tassarsiornermi suliffissuaqarnermi pisortat isertitaannik naatsorsuinissamut paasisutissanik nalu-naarsukkanik tunngavissaqanngilaq, kisianni ilaannakortumik naatsorsuinerup takutippaa 2022-mi 20 mio. koruunit isertitarineqarsimasut.

Aatsitassarsiorfiup atuuffissaani immikkoortuni tamaginni aningaasarsiorititsineq

Aatsitassarsiorfiup piffissami atuuffissaata immikkoortorpassuini tamat Naalakkersuisut paasisaqartis-savaat, tamannalu sulii paasisutissiinissamut suliassatut pingaaruteqartutut isigaarput. Misissueqqaar-nernit siullernit aatsitassarsiorfiup tunisassiulernissaata tungaanut aningaasarsiorititsinerup ilusaa allanngortarpoq, aammalu inuussutissarsiuutit assigiinngitsut pisup ingerlanerani piffissani assigiinn-gitsuni akuutinneqartarput. Assersuutigalugu ingerlasussanik piareersaanermik, aatsitassarsiorluni misissuinermi tammaarsimaarfinni sullissinerniik aammalu inatsisilerinikkut aningaasaqarnikkullu siunnersuineramik, aatsitassarsiorluni misissuinerup immikkoortuani sivisuumi najukkani pilersuisuu-sut ikiuutilereertarput. Pilersuisuusut suliassai taakkua, suliffissaqartitsineq aammalu akileraarutinit isertitat inuiaqatigiinni tamaginni Naalakkersuisut ersarissuutikkusuppaat. Inuiaqatigiinni suliniutit suliffissuit inuiaqatigiinnut iluaqutaasumik aningaasaliivigisartagaat, aamma ersarinnerusumik paasis-sutissiissutigerusuppagut.

Aatsitassarsiorfiup matuneqarnerani aatsitassarsiorfiup ingerlanera unittanngilaq. Innuttaasut matu-sereernerup kingorna pisut ingerlanerat pillugu paasisutissinneqassapput. Aatsitassarsiorfiup sumiif-fiani ingerlatsiviusumi matusinermi alloriarnerit assigiinngitsut assersuutigalugu tassaapput pinngor-titami sumiiffinnik iluarseeqqinneq, sumiiffiit sukisaarsaarnermut siunertanut ineriartortinneqarneri imaluunniit aatsitassarsiorfimmi attaveqaasersuutininik ingerlatanut allanut atuilerneq. Aatsitassar-siorfiup matunerata kingorna inuunermt takorluukkani innuttaasut akuutinneqassapput, aammalu pisut ingerlasarneri angusallu pillugit ersarinnerulersitsiniarluta.

Aatsitassarsiornermi suliffissuaqarneq pillugu pitsaanerusumik annertunerusumillu innuttaasunut paasissutissiisarnissaq Naalakkersuisut ukkatariniarpaat. Saffiugassat tunisassiani ulluinnarni avatangiiserisatsinni qanoq ilaatinneqartarnersut annertunerusumik paasisimalersinneqassaaq. Pingaartumik mingutsitsinngitsumut allanngoriartortitsineri teknologiimilu takussaasut. Aamma ujarassiornerup teknologiillu akornanni suliaasaqarfimmi meeqqat atuarfianni atuartut aallussitinnissaat ukkatariniarpaat.

Ujarassiorit innuttaasut suliaqartillugit paasissutissiinermik suliniuteqarnermut sivilunerusumik ingerlanneqartumut assersuutissaavoq. Inuit nammineq kajumissutsiminnik ujaqqanik misissugassanik ujarassiuut nalilersugassaannik katersisarpuit nassiussisarlutillu. Ujarassiorit ukiuni 35-ni atuussimavoq, aammalu ukiut ingerlaneranni nunarput tamakkerlugu innuttaasut hunnorujulikkaat ujaqqanik misissugassanik nalilersorneqartussanngorlugit nassiussisarsimapput. Piffissami periusisiap atuuffissaani pisussami pingaartumik kinguaariit inuusuttortaasa angunissaat ukkatarineqarpoq. Meeqqat atuarfianni ilinniarnertuunngorniarninnilu atuaqatigiinnut attaveqatigiinneq sammitinneqarpoq, taakkua – assersuutigalugu atuartut ulluinnarni saffiugassanik atuinerannik paasissutissiisarneq pillugu unammisitsinertigut - suliaqartinneqassallutik.



Ilusiliaq 3:

2024-mi Ujarassioriup meeqqat atuarfianni atuartunut unammisitsineranni atuartut ajugaasut, Atuarfik Hans Lynge-mi 2.A. (Assiliisoq: AHL).

Suliniutissat aalajangersimasut

- 11.1. Aatsitassarsiornermi suliffissuaqarnermut isummertarnerit pillugit innuttaasuni misissuinernik minnerpaamik marlunnik ingerlatsinissaq.
- 11.2. Aatsitassanut suliassa qarfimmil paasisutissiisarnep ukkatarineqarnera, ilanngullugit ilinniartitaanermut suliffissanullu periarfissat, aammalu aatsitassanut suliassa qarfik aamma aatsitassat inuiaqatigiinni aningaasarsiorititsinerat pillugu innuttaasut oqaloqatiginerunissaat.
- 11.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa.

Silap pissusaa avatangiisillu

Silap pissusaa avatangiisillu eqqartoraangatsigu aatsitassat oqaluuserinissaat avaqqunneqarsinnaasannilaq. Aatsitassarsiorluni suliaqarneq taamaalilluni inuiaqatigiinnut avatangiisinullu ataatsimoortunik pitsaasunik pitsaangitsunillu sunniuteqarnissami nalilersorneqarpoq. Aatsitassat mingutsitsinngitsumut allanngoriartortitsinerup nunarsuarmi pisariaqartinneqartut Paris-imi isumaqatigiisummi piumasarineqarput. Assersuutigalugu biilnik innaallagiatortunik tunisassiornermi nunarsuarmi annertusiartuinnartumi batteriit aammalu anorisaatini kajungerisanut, aatsitassat Kalaallit Nunaanni nunap iluaniittut pinngitsoorneqarsinnaanngillat, kisianni aatsitassat piujuartitsiviusumik piiarneqarnissaat pingaaruteqarpoq, tassami erngup nukinganik imaluunniit allamik mingutsitsinngitsumik nukissioriaatsimik atugassaqaannginnermi, aatsitassarsiorfinnik amerlanerusunik pilersitsineq Kalaallit Nunaata CO₂-nik aniatitsineranut malunnaatilimmik pisooqataavoq. Aatsitassarsiorfiit avinngarusimasumi inissisimaneranni, taakkua erngup nukinganut pioreersumut, tamanit atorineqarsinnaasumut, attavilernissaat amerlanertigut ajornartarpoq, aammalu aatsitassarsiorfinnut ataasiakkaanut aaqqiissutissanik pilersitsinissaq akisuujusinnaalluni. Taamaattumik suliffissuit suleqatigalugit suliniutit, attaveqaasersuutit nukissiornermi eqqortut, soorlu erngup nukinga aamma anorip nukinga, iluanni arlalinnik mingutsitsinngitsunik aaqqiissutissanik suliaqarnissamik orniginartunnigortitsisussat ajornarunnaarsitsisussallu, Naalakkersuisut sulissutiginiarpaat.

Aatsitassanik Suliassa qarfinnik Avatangiisinut Aqutsisoqarfik oqartussaavoq, aatsitassanut tunngasunik suliaqarnernut atatillugu avatangiisinut, pinngortitamut silallu pissusaanut tunngasunut maleruagassiisartoq. Aqutsisoqarfik taanna, inuussutissarsiornermut soqutigisat aamma pinngortitamut avatangiisinullu soqutigisat akornanni naalakkersuinnermut attuumassuteqaannginnissaq qulakkeerniarlugu, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfiup ataani inissisimavoq. Aatsitassanut allaffissornikkut aqutsisut (Inuussutissarsiornermut, Niuernerup, Aatsitassanut, Inatsit Atuutsinneqarnerannut Naligiissitaanermullu Naalakkersuisoqarfik aamma Aatsitassanut Ikummatissanullu Aqutsisoqarfik), suliffissuaqarnerup iluani avatangiisinut malitassat naammassineqarnissaat pillugu Aatsitassanik Suliassa qarfinnik Avatangiisinut Aqutsisoqarfik qanimut suleqatigaat.

Aatsitassarsiornermi suliffissuit piujuartitsisumik pissusilersornissamut kajumissuseqalersissavagut. Suliffissuaqarnertut allatuulli, aatsitassarsiornermi suliffissuaqarnermi avatangiisini inooqatigiinnermilu tunngavissat kiisalu suliffeqarfiit pissusilersortarnerat (ESG - Environmental, Social and Governance) ukkatarineqarput. Ingerlatseqatigiiffiit tamanna iluaqutissartaqartutut isigaat, tassami tamanna annertunerusumik unammilleqatigiinnermi tunngavissaassammat, peqatigisaanillu piujuartussamik aningaasaqarnikkut siuariartortitsinissamut aqutissiuussisuulluni. Pingaartumik aningaasarsiorititsinissaq eqqarsaatigalugu, aammalu inuiaqatigiinni kalaallini immikkoortuni arlalinniittut – inuit ataasiakkaat, kattuffiit, ingerlatseqatigiiffiit allallu soqutiginnittut - qanimut oqaloqatigalugit. Aatsitassarsiornermi suliffissuit qanimut oqaloqatiginerisigut ESG-imut suliassa qarfik Naalakkersuisut ukkatarinerulersinniarpaat.

Suliniutissat aalajangersimasut

- 11.4. Avatangiisini inooqatigiinnermilu tunngavissanut kiisalu suliffeqarfiit pissusilersortarnerannut tunngatillugu (ESG-nut suliaasaqarfik) aatsitassarsiornermi suliffissuarnik oqaloqateqarneq.
- 11.5. Suliniutinik, ataavartumik nukissiuutinik atuineri suliffissuarnut pitsaanerusunik atugas-aqartitsilersinnaasunik, suliaqarneq aallartitsinerlu.
- 11.6. Ilisimatusarfinnik Issittup aamma ataavartumik nukissiornerup, assersuutigalugu erngup nukinganik seqernullu nukinganik, iluani misilittagalinnik suleqateqarnerulernissaq.

Aatsitassarsiornermi avatangiisinut periusissiap aamma aatsitassarsiorfissat ingerlanneqarnerisa imminnut ataqatigiinnerat

Suliniuteqarfi-sat qitiusut

- 1 Avatangiisini sunniinissat tamarmiut annikillisin-nissaat
- 2 Ammanerulersitsinissaq, suleqatigiilersitsinissaq attaveqatigiilersitsi-nissarli

Misissueqqis-saarneq

Qaqugu: Aatsitassarsiorluni ingerlatassat aallartinginneranni

Qanoq: Sinaakkutissat ersarisut nunap immikko-ortuini tunngaviusunik misissuinerit, ilitsersui-nerit malitassallu

Aatsitassarsiorlu-ni misissuineq

Qaqugu: Aatsitassarsiorluni misissuinermit piia-anissamut ikaarsaar-nermi

Qanoq: VVM-imik suliaqarneq aamma ingerlatas-sanut pilersaarutit avatangiisitigut tusar-niaassutigineqarnerat

Aatsitassanik piiaaneq

Qaqugu: Aatsitassarsiorluni ingerlatassat nalaanni

Qanoq: Avatangiisinik alaper-naarsuineq aamma avatangiisinut upalun-gaarsimaneq

Matusineq aam-ma iluarseeqqin-nissaq

Qaqugu: Matusineri aamma matusinerup kingorna

Qanoq: Avatangiisinik alaper-naarsuineq, paasis-sutissanik nalunaar-sukkanik katersineq ilinniarnertu

Ilusiliaq 4:

Aatsitassanut avatangiisinut periusissiami suliniuteqarfissat aamma aatsitassarsiorfissat atuunnerisa ingerlasarnerat.

Ilinniartitaaneq sulisussallu

Aatsitassarsiorluni misissuineri aatsitassarsiorfinnillu suliffissuaqarnermut sulisussanik pilersuisinnaassuseqaannarnissarput pisariaqartinneqarpoq, assersuutigalugu KTI Sisimiuni Aatsitassaleriner-mut Ilinniarfik aqutitigalugu. Naalakkersuisut KTI Aatsitassaleriner-mut Ilinniarfiup suleqatigilluarne-ra, aammalu aatsitassarsiornermi suliffissuit ilinniartitaanermi pisariaqartitsineq attuumassuteqartoq pillugu oqaloqatigisarneri, ingerlatiinnarpaat. Kinguaariiaani pinngortitaq pillugu annertuumik ilisimannilersimavugut ilisimasaqalersimallutalu, taamaallutalu inuuniarnerup ingerlatiinnarnissaa, pisuussutini uumassusilinnik puijuartitsisumik atorluannikkut, ilikkarsimallutigu. Piniarnermik aalisarnermillu inuussutissarsiu-teqarunnaarnermi ileqquusuni ilisimasat ilikkakkallu taakkua annaa-neqariaannaapput. Kulturerput naleqqussarsinnaanitsinnik nutaanillu ilikkagaqartarnitsinnik tunn-gaveqarpoq. Ilinniartitaaneq nutaanillu ilisimasaqaleriartorneq, tunngaviusumik pikkorissutsitsinnik pissusissamisoortumik ineriartortitseqqinnertut Naalakkersuisut isigaat. Taamaattumik aatsitassar-siornermi suliffissuaqarnerup iluani ilinniarnissap soqutigineqarnerulernissaa Naalakkersuisut sulis-sutigaat. Tassani iluaqutaasumik piginnaasaqarfiit piginnaanngorsaalluni pikkorissaanertigut suli-niutissani inerisarneqartut, suliffissaqartitsinerulernissamut siunnerfeqartut, arlallit iluaqutaasumik atorluarneqarsinnaapput.

Sulisussat piukkunnartut suaassutsitigullu assigiinngisitaartut pilerilersinnissaannut pitsaasumik isigineqarnissaq suliffissuit pisariaqartippaat. Tamanna inuiaqatigiinni inissisimatitsinermik nukit-torsaaqataavoq, aammalu suaassutsit assigiinngisitaarnerat ataatsimut isigalugu suliaasaqarfippassuit iluanni aalajaatsunngortitsivoq.

Suliniutissat aalajangersimasut

- 11.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa.

Suliffissuaqarneq suaassutsini assigiinngisitaartitsiviusoq

Aatsitassarsiornermi suliffissuaqarnermi naligiissitaaneq suliassa qarfiuvoq siusinnerusukkut anner-tuumik ukkatarineqarsimanngitsoq, kisianni suliffissuarnut aammalu inuiaqatigiinni inuiaqatigiit aningaasaqarnerannut tunngasuni pitsaasumik sunniisinnaasoq. Suliffissuaqarnermi suaassutsinik assigiinngisitaartitsineq nutaaliornermik, assigiinngitsunik piginnaasaqartunik atorluaanermik si-uarsaasinnaavoq, aammalu pikkoriffillit amerlanerusut pilerilersinneqarsinnaallutik. Taamaaliorner-mi suliffissuit inuiaqatigiinnut aningaasarsior-titsinerulersinnaapput. Suaassuseq apeqqutaatinnagu inuiaqatigiinni suliaqarnissamut naligiinnik periarfissaqarneq, assersuutigalugu suliffeqalernissamut naligiimmik periarfissaqarnikkut, aatsitassarsiorfimmik ingerlatsinerup inuiaqatigiinni akuersaarn-eqarneranut pitsaasumik aamma sunniteqarsinnaavoq (social license to operate). Tamanna aatsitas-sarsiornermi suliassa qarfiup aamma najukkani inuiaqatigiit akornanni pitsaasunik atassuteqaqatigiil-ersitsisinnaavoq.

Assigiinngisitaartumik suaassutsinik ataatsimuulersitsinerup paasinniffiginerulernera, aammalu aatsitassarsiorfissanut atatillugu suaassutsinut sunniinerit, taamaalillutik aatsitassarsiornermi suliffis-suit ingerlatsinerminni angusaannut siunnerfinnullu pitsaasumik iluaqutaasinnaapput. Inuiaqatigiinni arnat angutillu naligiimmik periarfissaqarnissaat, suaassutsinik misissueqqissaarnerit, piffissap peri-usissiap atuuffissaata iluani ineriartortinneqartussatut kissaatigineqartut aqutigalugit suaassutsinik akuliutsitsinerup iluani Naalakkersuisut suliniutaannut tunngavissii-sussaavoq.

Suliniutissat aalajangersimasut


- 11.8. Aatsitassarsiornermi suliffissuaqarnermi suaassutsinut misissueqqissaarnernik aamma suaassutsit agguarsimanerannut naatsorsueqqissaarnernik aallaaviusussanik suliaqarneq.
- 11.9. Suliffeqarnerup suaassutsinut agguarsimasup akiornissaa siunertaralugu aatsitassarsior-nermi suliffissuaqarnermi sullivinnut naligiissitaanerup paasititsiniutiginerata ingerlan-neqarnera.
- 11.10. Aatsitassarsiornermi suliffissuarnut naligiissitaanermut ilitersuutinik, ingerlatseqatigiiffiit ingerlatseqatigiiffiup suliassa qarfiisa immikkoortuini tamaginni suaassutsinik tamaginnik akuliutsitsinerulersinnaanersut, erseqqissaasunik, suliaqarneq.

Digitalimik najuunnissaq

Digitalimik naapittarfinni Naalakkersuisut suli ersarissuusussaapput, aamma inuit akornanni attave-qatigiittarfinni. Aatsitassanut allaffissornikkut aqutsisut nittartagaq govmin.gl, suliffissuarnut paasis-sutissanut, aatsitassarsiorluni misissuiner-mut aatsitassarsiorfinnullu attuumassutilinnut, suli atorpaat. Siunissami govmin.gl aamma ilisimasaqarnerulernermut paasissutissanullu innuttaasunut sammi-titanut ator-neqassasoq naatsorsuutigineqarpoq, soorlu assersuutigalugu qaqqat sisoortarnerannut suliassa qarfiup iluani tamanna maannakkut takuneqarsinnaalereersoq. Inuit akornanni attaveqatigiit-tarfiit ornigulluni suliaqarneq siumullu ingerlasut, aammalu nunap sannaata inuiaqatigiillu akornanni attuumassuteqarfiusut iluanni pisut pingaarutillit allat pillugit oqaluttuassat nuannersut siaruarternis-saannut ator-neqarput.

Suliniutissat aalajangersimasut

- 11.11. Aatsitassanut suliassa qarfimmut paasissutissiisarnermut nittarsaassisarnermullu periusissiamik nutaamik suliaqarneq atuutsitsilernerlu.





*Ilusiliaq 5: Kalaallit Nunaata kujataani kuultisiorfimmi Nalunami nakkutilliineq, 2024.
(Assiliisoq: Aatsitassanut Ikummatissanullu Aqutsisoqarfik).*

Ukkatarineqartussaq 2:

Aningaasaliinissamut sinaakktissat orniginartut

Aatsitassarsiornermi suliffissuaqarneq ineriartorteqqinneqassaaq aammalu inuiaqatigiit aningaasaqarnerannut annertunerusumik tapersiissalluni. Aatsitassanut allaffissornikkut aqutsisut unammilligassat periarfissallu pillugit sulii aatsitassarsiornermi suliffissuit oqaloqatigaat. Aatsitassanut suliaasaqarfiup akisussaaffigilerlugu tiguneqarneraniit ukiut 15-it qaangiunneranni suliniuteqarnerit aallartinneqarsimasut killiffissiornissaannut piffissanngorpoq. Politikikkut suliniuteqarnerit suut iluatsissimanersut aammalu suliffissuarnut orniginartunik sinaakktissiinissamut suut nutaat pisariaqarnersut, qiviassallugit pingaaruteqarpoq.

Kalaallit Nunaanni one-door-imut tunngaviusoq aamma nunap sannaanut ilisimatuussutsikkut paasissutissat nalunaarsukkat pissarsiariuminartuunerat, suliniuteqarnerup iluatsissimaneranut aammalu suliffissuit nammineerlutik ingerlataannut pitsaasumik iluaqusiisunut, assersuutissaapput. Siusinnerusukkat piffissani periusissiat atuuffiini suliaasaniq suliarinnittarnerup allaffissornikkullu aqutsinerup naleqqussarneqarnissaat ukkatarineqarsimavoq, assersuutigalugu qinnuteqaatinik suliaqarnerup ingerlanerinit oqilisaaniarluni internet-ikkoortumik qinnuteqaatinut iserfissiamik atuutsitsisoqalersimavoq, aammalu ersarinnerulersitsiniarluni malitassat suleriaatsillu assigiinngitsut suliarineqarsimallutik.

Naalakkersuisut nunani tamalaani ataatsimeersuarnerni assigiinngitsuni Kalaallit Nunaanni aatsitassanut periarfissaqarfiit nittarsaattarsimavaat, aammalu aatsitassarsiorfiutiqatigiiffinnik aningaasaliisartuusinnaasunillu ataatsimeeqateqarnerit ingerlanneqartarsimallutik. Taamaattoq aatsitassarsiornermik suliaqartut suliaasaminut aningaasaliisussarsiniartarnermi annertuunik sulii unammilligassaqartut ersarippoq. Tamanna Kalaallit Nunaanni suliaasanut immikkut ajornartorsiutaanngilaq, kisianni nunarsuarmi unammillernartuulluni.

Naalakkersuisut piffissami periusissiap atuuffissaani suliniutit atorsinnaasut ingerlateqqinniarpaat, aammalu aatsitassarsiornermik suliaqartut suleqatigisartakkagullu suleqatigalugit suliniutissamik nutaanik atuutsitsilerniarlutik. Assersuutigalugu aningaasaliinernut aningaasaateqarfinnik ataatsimeeqateqarnissanut aqqutissiuussinikkut, toqqaannartumik nittarsaassisarnikkut aamma IBA-nut isumaqatigiissutinik nalilersueqqinnikkut. Aatsitassarsiorluni misissuinermit piiianermullu suliniuteqarnerit kiisalu najukkani aatsitassanut tunngasunik suliaqarnerit tassani takuneqarsinnaapput. Najukkani aatsitassanut tunngasunik suliaqarnerit pillugit inatsit nutaaq, annikitsumik aatsitassarsiorinissamut suliaasaqarfimmi nukittorsaassasoq, naatsorsuutigineqarpoq, aammalu piffissap periusissiap atuuffissaata ingerlanerani sunniutaasussatut naatsorsuutigineqartut malinnaaffigeqqissaarneqassapput.

Siunnerfik: Piujuartitsineq, aningaasaqarnikkut siuariartorneq, siuarsarpagut.

Aningaasaliinerit

Kalaallit Nunaat annertooujussuarnik aatsitassaqarnissaanut periarfissaqarpoq, taamaattumillu aamma aningaasaliinissamut periarfissamik siuarsaanissaq pisariaqartinneqarluni, tassami aatsitassarsiorfimmik pilersitsinermit atasumik aningaasartuutit qaffasissuusarput. Piffissami periusissiap atuuffissaani matumani, ilaatigut nunani tamalaani suleqatigisartakkagut akuutillugit, aatsitassarsiornermi suliffissuit aamma aningaasaliinermut aningaasaateqarfiit akornanni ataatsimiinnissanut aqqutissiuussinikkut, aningaasaliiumalersitsinissamut suliniutinullu aningaasalersuinermit siuarsaanissamut, suliniutissat aallartinneqassapput.

Aatsitassarsiorfimmik ingerlatsinermit annertooujussuarnik aningaasaateqarnissaq pisariaqarpoq aammalu ungasissoruujussuarmut aningaasaliinerit tassani pineqarput. Aatsitassarsiorfimmik pilers-

sitsinissaq, aatsitassarsiorluni misissuinerup immikkoortuanit siullermit aatsitassarsiorfiup ammarnissaata tungaanut, agguaqatigiissillugu ukiunik 16-inik sivilissuseqartarpoq. Piffissaq taanna isertitaqarfiusanngilaq aammalu misissueqqissaarnernut, asimi suliaqarnermut, misissuinerup aamma illunik attaveqaasersuutinillu sanaartornermut, amerlanertigut teknikkikkut qaffasissunik piumasaqaateqarfiusartunut il.il. aningaasartuuteqarfiunnartarpoq. Maannakkorpiaq suliaassanik piginnittut aningaas-aqarnikkut annaasaqarsinnaanerup annertunersaa nammattarpaat aammalu aningaasaliisussaqaanng-inneq nunarsuarmi ineriartornermut akimmisaartitsisarpoq. Tamatuma kingunerisaanik suliaassat ilai, nunap sannaa pitsaasuugaluartoq periarfissaqarfillu pitsaasuugaluartut, ineriartortinneqartanngillat.

Annaaneqarsinnaasunik aningaasaliisussaqaartannginneq kisimi ajornartorsiutaasanngilaq. Aamma nunanut allamiut unammillernissaannut illersuineq aamma pingaaruteqarpoq. Nunani allani politik-kikkut suliniuteqarnerit, naalagaaffiit tapersiisarnerattut imaluunniit niuerfimmig tiguaasimaarnertut ittut, nunarsuarmi akigititanut, taamaalillutillu Kalaallit Nunaanni suliaassanut unammillersinnaas-suseqarnermut, sunniisarput.

Taamaattumik Kalaallit Nunaanni suliaassanut aningaasalersuutissarsiniartarnermi anigorniagassat, piffissami periusissiap atuuffissaani oqaluuserisassani qaffasissumiipput.


Ilaatigut toqqaannartumik nittarsaassineq atorlugu aammalu nunani tamalaani nuisitsinerni peqata-anertigut, ingerlatseqatigiiffinnik nutaanik Naalakkersuisut suli pilerilersitsiniartassapput. Siunissami Canadami nittarsaassivimmi PDAC-mi peqataanissaq aammalu ilaatigut aatsitassarsiorfiutileqa-tigiiffinnik aningaasaatilissuarnut sammisumik toqqaannartumik nittarsaassisarnerup, 2023-mi aallar-tinneqartup ingerlatiinnarnissaa, pingaartissavagut.

Tamatuma saniatigut nunanut aatsitassanik eqqussuisartunut aningaasalersuisussaqaarnermik ajor-nartorsiuteqarnerup oqaluuserisarnera Naalakkersuisut ingerlatiinnarniarpaat. Sakkussaasinnaasut taakkua tungaanniit atorneqarsinnaasut tassaasinnaapput, eqqussuinerminnut/avammut nioqquteqa-rnerminnut aningaaserivimminniit taarsigassarsinissamik periarfissamik ammaassineq, taarsigassar-sinernut qularnaveeqqusiinerit, suliaassanut toqqaannartumik tapersiinerit imaluunniit teknikkikkut siunnersuinerit imaluunniit aatsitassarsiorfiutileqatigiiffiit sullitassaasinnaasullu (off-takers) akornan-ni B2B-mi ataatsimiinnernut aqqutissiuussineq.

Annikitsumik aatsitassarsiornermut suliaasaqarfik akuersissummik allagartaliisarnermut aqqis-suussinermik tapertaqartinneqassaaq. Aqqissuussineq annikitsumik aatsitassarsiornermut pisin-naatitsissummik pigisaqartunut, aatsitassanik tuniniaaqqittartunut, naleqarnerulersitsissasoq naat-sorsuutigineqarpoq. Akuersissummik allagartaliisarnermut aqqissuussineq, naalakkersuisoqarfinni suliaasaqarfiit akimorlugit kalaallit tunisassiaasa arlallit iluanni atuutsinniarneqassaaq. Annikitsumik aatsitassarsiornermut suliaasaqarfimmi akuersissummik allagartaliineq, aatsitassanut imaluunniit ujaqqanut pinnersaasiassanut ataasiakkaanut, paasissutissat soorlu assersuutigalugu sumi nas-sarineqarsimanersoq aammalu aatsitassap nassuiaatai, erseqqissumik allassimatillugit, malittaatinne-qassasoq naatsorsuutigineqarpoq. Akuersissummik allagartaliinissaq pillugu qinnuteqarnermi aamma nassaarineqartut ataasiakkaat assilinerat malittaatinneqartassaaq.

Concrete initiatives

- 12.1. Aatsitassanut nittarsaassivimmi Prospectors & Developers Association of Canada Convention (PDAC) nittarsaassisarnerup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq.
- 12.2. Ilaatigut avammut nioqquteqarnermut eqqussuinernullu aningaaseriviit aqputigalugit suliassat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.
- 12.3. Kalaallit Nunaanni akileraarutitut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit.
- 12.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput.
- 12.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aqputissiuussisarneq.
- 12.6. Aatsitassat ataasiakkaat nassaarineqartut naleqarnerulersinnissaat siunertaralugu annikitsumik aatsitassarsiornermut suliassaqarfimmi pisinnaatitsissummik pigisaqartunut akuersissummik allagartaliisarnermut aaqquissuussinermik ineriartortitsineq.



*Ilusiliaq 6: Kalaallit Nunaata kujataani kuultisiorfimmit Nalunamit, 2024.
(Assiliisoq: Amaroq Minerals).*

Akuersissutit piumasagaatillu

Nunatsinni sulianik ingerlataqarnerit ingerlaannarnissaat, ingerlatseqatigiiffiit aatsitassarsiorluni misissuinerimik suliaqartut sumiiffinni akuersissuteqarfiusuni akuerineqartuni aatsitassarsiorlutik misissuinissamut pisussaaffilernerisigut, Naalakkersuisut qulakkiissavaat. Nunami sumiiffinni sumiiffinnut nutaanut ingerlatseqatigiiffiit pilerilersinnissaat sulissutigissavarput, aammalu suliaassani siumut ingerlatitsinissaq ukkatarissavarput.

Pinngortitami isumalluutininik piujuartitsiviusumik sunniuteqarluartumillu aqutsineq, Naalakkersuisoqarfiit suliaasaqarfii akimorlugit pitsaaneruseqarfiit atassusiisarnikkut, qulakkiissavarput. Inatsisit aamma akuersissutitut atugassarititaasut aalajaatsut paasiuminartullu peqqinnartumik suliffissuaqarnermut tunngavissaliissapput. Nunat uagutsinnut sanilliuttakkagut ingerlaavartumik qiviartassavagut, aammalu unammillersinnaassuseqarnerput, maleruagassagut allaffissornikkullu suleriaatsigut nalilersortassallutigu.

Konkrete initiativer

- 12.7. Ataasiakkaatigut pisariaqartitsilernerimi aammalu isumaqatigiissut taamaattoq aatsitassarsiornermi suliffissuaqarnermut tunngavissiisinnappat, siunnerfilimmik akileraartarnermut isumaqatigiissutit sulissutigineqarnerat.
- 12.8. Suliffissuit akornanni sunneeqatigiittarnerup tunngavissinnissaanut, ilaatigullu assartuusinerup internet-ikkullu attaveqatigiinnerup iluanni attaveqaasersuutit nukittorsarniarlugit, pisortani oqartussat akornanni suliaasaalertartut suleqatigiissutiginerulernissaat.
- 12.9. Naalakkersuisoqarfiup peqquserluttoqannginnissaanut politikkiata nutarterneqarnera.

Allaffissorneq suliaasanillu suliarinninneq

Akuersissutitut suleriaatsit pitsanngorsarneqassapput. Siunnerfigineqarpoq qinnuteqarnerup ingerlasarnera, tamatumalu kingorna suliaasanik suliarinnittarneq, eqaannerulersinneqassasut. Assersuutigalugu digitalinngorsaanerunertigut suliat ingerlasarnerisa pisariinnerunissaat, ersarinnerunissaat sukkarnerunissaallu sulissutigineqassapput. Suliffissuarnut ilitersuutininik, aammalu assersuutigalugu Inuiaqatigiinni piujuannartitsisumik ingerlatsinissamut nalilersuinerimut (VSB) kiisalu paasissutisunik nalunaarsukkanik nalunaarusiorneqartussanut malitassat nassuiaassutaannik, pitsanngorsaanissaq Naalakkersuisut suli sulissutigaat.

Piffissami asimi suliaqarfiusartumi Nuup avataani ornigulluni najuuttarneq oqartussat suliarinninneranni sunniuteqarnerulersitsinnaassanersoq Naalakkersuisut misissorpaat aammalu pingaartumik annikitsumik aatsitassarsiorinissamut pisinnaatitsissummik pigisaqartunut sullissinerput pitsaanerulersissallugu. Kalaallit Nunaata kujataani, aatsitassanut tunngasunik amerlasuunik suliaqarfiusumi, nammeneq najuulluni suliniummik misileraataasussamik pilersitsisoqassaaq.

Konkrete initiativer

- 12.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqatigiinnerulernissaq ilanngullugu.
- 12.11. Suliassanik suliarinnittarnerup eqaannerulersinneqarnissaa siunertaralugu akuersissutitut suleriaatsinik, atugassarititaasunik nalinginnaasunik il.il nutarterineq.
- 12.12. Aatsitassanut Ikummatissanullu Aqutsisoqarfiup piffissami asimi suliaqarfiusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq.

Aaqqissuussaannerup ilusiligaanera

Maannakkut aaqqissuussaannerup ilusiligaanera ingerlaavartumik nalilersorneqartassaaq aammalu suliasat Aatsitassanut allaffissornikkut aqutsisut suliarisassaasa tunngavissinnissaannut tunngatillugu pitsaanerulersinneqassalluni. Inuussutissarsiornermut, Niuernermut, Aatsitassanut, Inatsit Atuutsinneqarnerannut Naligiissitaanermullu Naalakkersuisoqarfik immikkoortortaqqarpog Naalakkersuisoqarfimmi allaffissornermi suliasanik isumaginnittuusunik. Taamaattoq Naalakkersuisoqarfik aamma nittarsaassineramik ilisimatusarnermillu ingerlatsisarpog, aammalu nunap sannaanut ilisimatuussutsikkut paasissutissaasivittut atorneqarluni. Naalakkersuisoqarfiup ataani Aatsitassanut Ikummatissanullu Aqutsisoqarfiup akuersissutit aamma akuersissuteqarnerit allaffissornikkut aquppai aammalu aatsitassanut tunngasunik suliaqarnermut inatsit naapertorlugu nakkutilliisarluni.

Aaqqissuussaannermi maannakkut atuuttumi, avatangiisinut apeqqutit pillugit aalajangiinerit, akuersissutinik nittarsaassinermillu ingerlataqarnermik akuersissuteqartarnerit immikkoortisimaneqarissaannut tunngatillugu, naalakkersuinermut attuumassuteqannginnissap isumaginissaa pillugu politikkikkut anguniakkat arlaatigut tunngavissinneqarput. Taamatuttaaq inatsisini aalajangiinerit Aqutsisoqarfinni ingerlanneqartut, taakkua naammagittaalliuutigineqarsinnaanerit Naalakkersuisunut/Naalakkersuisoqarfimmut ingerlatinneqartussaattillugit, naammagittaalliuutigisinnaanissaannut periarfissanik annertunerusunik inatsisiniititsisoqarpoq. Pissutsit taakkua aaqqiissutissanut allanut nalilersorneqassapput, tassani aaqqissuussaannerup patajaatsuunissaa aammalu sulisoqarnermut, aningaasaqarnermut suliasanullu tunngatillugu sunniivigeqatigiisitsinissaq sillimaffigineqassalluni.

Naalakkersuisoqarfimmi Ujarassiornermut Immikkoortortaqqarfik nunap sannaanut tunngasutigut siunnersuisarpoq aammalu nunap sannaanut suliniutinik ingerlatsinermit atatillugu ilisimatusarnermik ingerlatsisarluni, assersuutigalugu aatsitassanut nunap assiliorneq, CCS aamma qaqqani sisoorfiusinnaasut, kisianni pitsaasumik tigussaasunik atortorissaarutitik atugassaqqaratik. Immikkoortortaqqarfik ineriartorpoq, aammalu immikkoortortaqqarfiup suliasai, nunap sannaanut ilisimatuussutsikkut ilisimatusarfinnit nalinginnaasumik suliarineqartartunut, annertuumik assingupput. Immikkoortortaqqarfiup ilisimatusarnermut immikkoortortatut immikkoortutut allamut aaqqissuusaanikkullu inissinneqarnerani, Ujarassiornermut Immikkoortortaqqarfiup siunissami aatsitassarsiornermi suliffisuaqarnermut iluaqutaasumik, suliniutinut ilisimatusarnermullu attuumassutilinnik suliaqarnissamut periarfissaqarnerulernissaa, Naalakkersuisut naatsorsuutigaat. Tamanna suliffissuarnik sullissinissamut tunngatillugu ineriartortitsinissamut periarfissaqarnerulertussaavoq, assersuutigalugu nunap sannaani ilisimatuussutsikkut qarasaasiatigut paasissutissaasivimmik ineriartortitsinermit aammalu qillerummit qaqqitanut toqqorsivimmik nutaamik pilersitsinermit atatillugu. Aammattaaq immikkoortortaqqarfik ilisimatusarnermut immikkoortortatut pissusiviusuni inissisimalissappat, ilisimatusarnermut aningaasassarsisinnaanerpum ajornannginnerulernissaa naatsorsuutigineqarpoq.

Konkrete initiativer

- 12.13.** Aatsitassanut ikummatissanullu allaffissornikkut aqutsisut (Naalakkersuisoqarfik aamma Aqutsisoqarfik) aaqqissuussaannerisa misissoqqissaarneqarnissaannik ingerlatsineq aamma aaqqissuussaannerup ilusiligaaneranik nutaamik atuutsitsilersinnaaneq.

Najukkani inissimatitsineq

Aatsitassarsiorfimmik pilersitsisoqarnerani, najukkami inuiaqatigiinni pitsaasumik ineriartortitsinerup nukittorsarneqarnissaa siunertaralugu, aatsitassarsiorfiutiqatigiiffiup, kommunip aamma Naalakkersuisut akornanni suleqatigiinnissamut isumaqatigiissuteqartoqareertarpoq, IBA-mut isumaqatigiissutini taagorneqartunik (Impact Benefit Agreement). Taamaattoq suliap ingerlasarnera pitsaanerpaamik ingerlasanngilaq, aammalu allaffissornikkut oqimaatsuulluni. Isumaqatigiissutit atugassarititaasunik pitsaassusilerneqarsinnaanngitsunik imaqarput, tamatumalu suliniutissat suut aalajangersimasut aallartinneqassanersut, ingerlatseqatigiiffinnut innuttaasunullu takujuminaatsittarpaa. Taamatuttaaq pilersuisorineqartunut, isumaqatigiissutit pillugit ingerlatseqatigiiffinniit sioqqutsisumik siunertanut nalunaaruteqartoqartinnagu, tunisassianut allattuiffimminnik annertusititsinissaq piffissatigut aningaasaqarnikkullu ajornakusoortarpoq.

Piffissami periusissiap atuuffissaani IBA-nut isumaqatigiissutini unammilligassat erseqqinnerusumik Naalakkersuisut misissussavaat, aammalu kommunit aamma aatsitassarsiornermi suliffissuit najoqqutassamut tunuliaqutaasut, peqatigalugit nalilersoqqissallutigu. Siunnerfigaarput IBA-nut isumaqatigiissutini pisariitsunik paasiuminartunillu pilersitsinissaq, atugassarititaasut tamarmik piukkunneqalersinnaallutik, peqatigisaanillu Inuiaqatigiinni Piujuuaannartitsisumik Ingerlatsinermik Nalilersuineq (VSB) tunaartarineqarluni. Nunatta nunaminertaa amerlanertigut suliffissuarnit arlallinnik ornigineqartarpoq, tamannalu soqutigisaaq akornanni qalleraatsitsilersinnaavoq. Naalakkersuisoqarfiit akimorlugit qaninnerusumik suleqatigiinnissaq, aammalu nunaminertanit atuinnermut nunap assiliornissaq, Naalakkersuisut sulissutigaa. Assersuutigalugu ataatsimoorluni naapittarfissamik pilersitsinissaq sulissutigineqarpoq, tassani Naalakkersuisoqarfiit akimorlugit akuersissutit tamarmik takuneqarsinnaassallutik. Suliffissuit akornanni sunneeqatigiissitsisinnaanarit erseqqinnerusumik paasinarsisinneqassaput.

Konkrete initiativer

- 12.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujuartitsisumik ingerlatsinissaq nukittorsarnissaa.
- 12.15. Pisortat suliaaqaarfiisa, aatsitassarsiornermik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqqutissiuussisarneq.
- 12.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqqutissiuussineq.



Ukkatarineqartussaq 3: Aatsitassat pisariaqartinneqarlutik pingaarutillit

Nunarsuarmi silap pissusaanut anguniakkat piviusunngortinnissaannut sapinngisamik anner-tunerpaamik taperseeqataanissaq Naalakkersuisut akisussaaffigaat. Taamaattumik tunngavi-usumik ilisimatusarneq pisortanit aningaasalersorneqartoq, suliassa qarfinnut aatsitassanut pisariaqartinneqarlutik pingaarutilinnut periarfissa qarfiusunut imaluunniit ilisimatusarnermut allatut mingutsitsinngitsumut allanngoriartortitsinermit tapertaasussanut, annertunerusumik sammitinneqalerpoq. Taamatut tunngavigisanik allanngortitsilluinnarneq piffissami periusissiap siuliani atuuffiani ingerlanneqareerpoq, assersuutigalugu Nunani avannarlerni aatsitassanik pinngitsoorneqarsinnaanatik pingaaruteqartunut periarfissa qarfinnik paasiniaaneq pillugu nunanik nunani avannarlerniittunik Naalakkersuisut suleqateqarnerisigut, Kalaallit Nunaanni aatsitassanut pinngitsoorneqarsinnaanatik pingaaruteqartunut attuumassutillit suliniutit pillugit USA-mik suleqateqarnerisigut, aammalu piujuartussamik aningaasarsiorfissat pillugit EU-mik suleqateqarnerisigut kiisalu CO2-nik unerartitsineq toqqorsivimmiittitsinerlu.

Siunnerfik: Iliuseqarnissamut piujuartitsiviusumillu ineriartortitsinissamut suleqateqarnigut nukittuujupput.

Aatsitassat pisariaqartinneqarlutik pingaarutillit


Aatsitassanut niuerfik nunani tamalaani, politikikkut ukkatarineqariartuinnarpoq. Nunat suliffis-sua qarfiusut arlallit aatsitassanut aningaasarsiorfiit – taamaalillutillu ikkussugassanik sanaartornerit pilersuinerillu aammalu tunisassiat naammassineqartut - nakkutigineqarnerannut ernumassuteqar-put. Aatsitassanik, ikkussugassatut sanaanik naammassillugillu tunisassianik pilersuineq nunat anin-gaasaqarnerannut, teknologiikkut ineriartornermut aammalu periusissatigut anguniagaannut, soorlu mingutsitsinngitsumut allanngoriartortitsinerup angunissaanut, pingaaruteqarpoq.

Mingutsitsinngitsumut allanngoriartortitsinermit teknologiinik sanaartornissamut, teknologiinit ikummatissiassanik aallaaveqartunit allaanerusunik, taakkua taartissaannik aatsitassanik amerlaneru-sunik pisariaqartitsisoqarpoq, assersuutigalugu kanngussaas, koboltit, aamma aatsitassat qaqutigootut saffiugassartai.

Aatsitassat pisariaqartinneqarlutik pingaarutillit aamma isumannaallisaanermut politikkimut pin-gaaruteqarput. Pilersuinerup isumannaatsuuneranut navianartorsiortitsisoqarnera, nunat anin-gaasaqarnerannut illersornissamullu suliffissuaqarnerannut pingaaruteqarsinnaavoq. Aatsitassat pisariaqartinneqarlutik pingaarutillit aamma EU-mi nukissiap ataavartup annertusarneqarneranut pingaaruteqarput, nunanit EU-p avataaniittunit ikummatissiassanik EU-mi eqqussuinermit pinngit-suuisinnaannginnermik annikillisisitsussaallutik, aammalu 2050-mi silap pissusaanut sunniinngin-nissap angunissaanut Europamik anguniakkamut iluaqutaasussaallutik.

Aatsitassat pisariaqartinneqarlutik pingaarutillit nunani tamalaani ukkatarineqaraluttuinnarnerat Naalakkersuisut aatsitassanut suliassa qarfimmi nunani tamalaani suleqateqarnerannut aallaaviuvoq. Kalaallit nunaanni peqarfiit arlaqarput, aatsitassanik pisariaqartinneqarlutik pingaarutilinnik akoqar-tut, aningaasaliisartullu immikkut soqutiginartitaat.

³ REPowerEU: A plan to rapidly reduce dependence on Russian fossil fuels and fast forward the green transition, 18. Maj 2022, https://ec.europa.eu/commission/presscorner/detail/en/IP_22_3131



Ilusiliaq 7: Kalaallit Nunaanni aatsitassanik pisariaqartinneqarlutik pingaarutilinnik peqarfinnut nunap assinga (MiMa Rapport 2023/1).

2019-imi Naalakkersuisut USA-mut isumaqatigiisummut tunngaviusussamik isumaqatigiissute-qarput, aammalu aatsitassanut suliaasaqarfiup ineriartortinneqarnissaa pillugu ukiuni arlalinni USA suleqatigisimallugu. Suleqatigiinnermi ilaatigut nunap sannaanut paasissutissat nalunaarsukkat, nit-tarsaassisarneq aammalu killissaliussanut piumasaqaatinik aalajangersaanissaq ukkataralugit suliniutit ilaatinneqarsimapput.

2023-mi Naalakkersuisut aatsitassanut aningaasarsiorfiit piujuartitsiviusut ineriartortinneqarnissaa pillugu EU-mut periusissatigut suleqateqalerput. Naalakkersuisut aamma EU-p tamatuma kingorna suliniutitut arlalinnut ingerlanissaannut pilersaarut aallartippaat. Suliniutit ilaatigut suliaqartuusut ataatsimoortilernerisigut aammalu Kalaallit Nunaanni aatsitassat pisariaqartinneqarlutik pingaarutillit aammalu piujuartitsinerup ukkatarineqarnera pillugit paasissutissiisarnikkut, EU-miit aningaasalii-nernut tunngavissaliissapput.

2024-mi Kalaallit Nunaat Mineral Security Partnership (MSP) Forum-imi, nunat aatsitassanik avam-mut nioqquteqartartut eqqussuisartullu akornanni arlaliullutik suleqatigiiffianni, ilaasortanngorpoq. Ilaatigut MSP Forum-imi, ilaatigut aningaasalersuutissarsinissamut ingerlatseqatigiiffinnut ikiuussin-naasumi, aatsitassarsiorfissat pilerisaarutiginerannut, suleqatigiinneq Naalakkersuisut atorniarpaat.

Teknologiit aatsitassanik pisariaqartitsiviusut aammalu nunarsuarmi unammeqatigiinnerup kingune-risaannik, aatsitassat pisariaqartinneqarlutik pingaarutillit pillugit nunani tamalaani suleqatigiinneq piffissami periusissiap atuuffissaani oqimaassuseqarnerulernissaa naatsorsuutigineqarpoq. Aatsitassat pisariaqartinneqarlutik pingaarutillit iluanni teknologiikkut ineriartorneq nutaaliernerlu Naalakker-suisut ukkatarinerulerusuppaat, aammalu piujuartitsiviusumik ineriartortitsinermut nunarsuarmi suleqateqarneq nukittorsarneqassaaq.

Nunap iluata, aatsitassat pisariaqartinneqarlutik pingaarutillit ilanngullutit, nunap assiliorneqarnerani De Nationale Geologiske Undersøgelser for Danmark og Grønland (GEUS) qanimut suleqatigineqas-saaq, aammalu piffissami periusissiap atuuffissaani ilaatigut nunap assiliornissamut periarfissaqarfiu-sut annertuunerusumik ukkatarineqassapput.

Konkrete initiativer

- 13.1. Aningaasarsiorfiit piujuartussat pillugit EU-periusissatut suleqatigineqarnerata atuutsin-neqalernissaa.
- 13.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa.
- 13.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikkikkut pissutsinit aqunneqarsinnaapput.
- 13.4. MSP Forum-ip Kalaallit Nunaat pillugu paasissutissiinermut suliaasanullu aningaasaler-suinerup tunngavissinnissaanut atorneqarnissaa.





Ilusiliaq 8: Eudialyt Kujataaneersoq (Assiliisoq: Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik)

Ukkatarineqartussaq 4: Nunap assiliorneq aamma nunap sannaanut

paasissutissat nalunaarsukkat

Paasissutissanik nalunaarsukkanik aatsitassarsiorluni misissuinermut naleqquttunik akeqann-gitsumik Naalakkersuisut atugassiinerisigut, ingerlatseqatigiiffiit aatsitassarsiorluni misissuiner-mik suliaqartut aningaasaliinermi annaasaqarsinnaanerit annikillisinneqassaaq. Paasissutissat nalunaarsukkat pigineqareersut pitsaassusaat qulakkiissavarput aammalu nutaamik periaase-qarluta pissarsiarineqarsinnaalersissallutigu, aammalu ilisimatusarnermi suliniutit pisortanit aningaasalersorneqartut aqqutigalugit paasissutissanik nalunaarsukkanik nutaanik katersis-saagut. Tamanna ingerlaavartumik ingerlasussaavoq, piffissani periusissiaqarfiusuni arlalinni ingerlasimalluni, aammalu sulit Kalaallit Nunaata suliffissuarnut nunatut aningaasaliivissatut orniginartuusinnaanissamut pisariaqarluni. Suliniutit aatsitassarsiornermi suliffissuarnut ilisi-masanik pissarsititsiinnassanngillat, kisianni aamma ilisimatusartorpasuuarnut Kalaallit Nuna-anni suliaqartunut sullissinerussalluni.

Nunap sannaanut paasissutissat nalunaarsukkat nunap sannaanut ilisimatuussutsip iluani im-minnut attuumassutilinni assigiinngitsorpassuarni aallaaveqarput, assersuutigalugu geofysik, geokemi, aatsitassalerineq, sedimentologi aamma remote sensing. Nunarsuarmi periaatsit nutaat aatsitassarsiornermi suliffissuaqarnermut ilaqutaasussat ingerlaavartumik ineriartortinneqarput. Tassani nunami namminermi nunanilu tamalaani ilisimatusarnermi suleqatigiilluarnep al-lanngutsaaliornissaa pingaaruteqarpoq.

Goal

- Paasissutissanut nalunaarsukkanut tunngavissat, aatsitassarsiorluni misissuinerup aamma aatsitassanut tunngasunik suliaqarnermi aningaasaliinissamut orniginartunngortit-seqataasussat, pitsanngorsarneqassapput.
- Pinngortitami ajunaarnersuaqarnissaanik pitsaaliuinerup nukittorsarnissaa, qaqqaat sisoortarnerannut suliassaqarfik immikkut sammillugu.




Ilusiliaq 9: Maniitsup eqqaani nuna assiliorneq (Assiliisoq: Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik)

Nunap assiliorneq

Kalaallit Nunaanni nunami nunaminertat nunap assiliorneqarsimanngillat. Nunap assiliorneq aatsitassarsiorluni misissuinissamut tamarmut tunngaviuvoq, aammalu ingerlatseqatigiiffinnut aatsitassarsiorluni misissuineramik suliaqartunut annikitsumillu aatsitassarsior-nissamut pisinnaatitsissutini pigisaqartunut iluaqutaalluni. Peqatigisaanik nunap assiliorneq qaqqat sisoorfigisinaasaannut pitsaannerusumik paasisima-saqalersitsisussaavoq. Nunarput qanoq pilersimanersoq, aammalu ujaqqat aatsitassallu suut nassaasaanersut, nunap assiliorneq paasisimasaqalersitsissaaq. Nunap assiliornermi suliniutit assiiginngitsunik suussusillit ingerlanneqarput, assersuutigalugu sumiiffimmi aatsitassaqarsinnaaneranut nunap assiliorneq, imaluunniit nunap sannaanut nunap assinginiq suliaqarneq. Aatsitassaqarsinnaaneranut nalunaarusiat aatsitassanut suliaasaqarfiup nittarsaanneqarnerani pingaaruteqartutut ilaatinneqarput, aammalu ilisimatuussutsikkut suliniutitut aatsitassarsiornermi suliffissuaqarnermut tapertaasussanut assersuutissaalluurtutik. Nunap assiliornermi aamma aatsitassat suliffissuaqarnermi atorineqartutut, sioqqanik milluaaneq aamma sermip qajuusaasannngortitai pineqartunut ilaatinneqarsinnaapput. Sermip qajuusaasannngortitai nunanut ineriartortinneqartunut aatsitassatut piujuartussatut avammut nioqqutigineqarsinnaanerataq periarfissaqarpoq, aammalu tunisassiaq nutaaq taanna sulii ineriartortinneqarpoq.

Preparing a geological map is a lot of work: First, a desktop study is carried out, where existing data is collected, such as exploration data and topographic maps. Then, the field expedition is planned, where researchers participate within their own field of expertise. In the field, different types of data are collected, such as physical samples, high-resolution aerial photographs and rock type descriptions. The major work takes place after the fieldwork, where samples and data have to be analyzed, interpreted and described. This creates a further understanding about the geology of the area, the map can be drawn, digitized and quality assured before printing.



Ilisimatuussutsikkut suliniutit aatsitassanut suliaasaqarfimmut attuumassutillit kiisalu 1:100.000 angissuseritillugu nunap sannaanut nunap assiliorneq Naalakkersuisut sulii pingaartippaat. Kalaallit Nunaata nunami nunaminertaata sermeqanngitsup affangajaa 1:100.000 angissuseritillugu nunap assiliorneqareerpoq. Kalaallit Nunaata sinnerata nunap assiliorneq 600 millioner koruunit missaannik akeqassasoq aammalu ukiut 50-it missaannik sivilissuseqassasoq, missingersorneqarpoq. Sumiiffiit attaveqaasersuutit qanitaanniittut imaluunniit aatsitassaqarsinnaanerataq ilimanaateqartorujussuurtut nalilerneqartut nunap assiliorneqarnissaat piffissami periusissiaq atuuffissaani pingaartinneqarpoq. Tunup Avannaarsuata nunap assiliornera ingerlaqqippoq, aammalu nunap sannaani avatangiisit, ilaatigut aatsitassanik pisariaqartinneqarlutik pingaarutilinnik nassaarnissamut ilimanaatillit, tamaaniipput. Aammattaaq Kalaallit Nunaata kujataani, aatsitassanik qaqtigoortunik peqarfusinnaasut anertunersaasa inissisimaffigisaanni, nunap assingi ataasiakkaat nutarterneqarnerisa aallartinnissaa pilersaarusiorneqarpoq.

Konkrete initiativer

- 14.1. Nunap sannaanut 1:100.000 angissuseritillugu nunap assiliornerup ingerlatiinnarnissaa.
- 14.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsisussanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliinermi annaasaqarsinnaanerannut annikillisitseqataanissaq.

Geofysik aamma Remote Sensing

Paasissutissat nalunaarsukkat suussusaat, amerlanertigut aatsitassarsiornermik suliaqartunit ujjartorneqartartut, tassaapput geofysiskinut aamma Remote Sensing-inut paasissutissat nalunaarsukkat. Uuttortaanerit timmisartumit imaluunniit qaammataasiamit ingerlanneqartut (Remote Sensing) ingerlatseqatigiiffinnut aatsitassarsiorluni misissuinermik suliaqartunut pingaaruteqarput, kisianni Kalaallit Nunaanni sumiiffiit ikittuinnaat peqarfigineqarput. Geofysiskinut paasissutissanik nalunaarsukkanik peqarfiusut aamma nunanut allanut sanilliullugit annikipput. Pingaartumik Kalaallit Nunaata Avannaanut, Tunup Avannaarsuanut aamma Tunumut geofysiskinik paasissutissanik nalunaarsukkat ikituaraannaat atugassiissutigineqarsinnaapput.

Missingersorneqarpoq Kalaallit Nunaat tamakkerlugu nunap immikkoortuini geofysiskinut nunap assiliorneqartut minnerpaamik ukiuni 10-ni sivilisatsiitseqassasoq aammalu 500 millioner koruunit missaannik akeqassasoq. Paasissutissat nalunaarsukkat qanoq aammalu sorliit katersorneqarnissaasa paasiniarnissaa, kiisalu nunap assiliornerup tulleriinnilersorlugu pingaarnersiorneqarnissaa siunertaralugit, nunap assiliorneqartut piareersaataasumik misissuataarinissamut Naalakkersuisut EU-miit aningaasaliiffigineqarput. Pingaarnersuinerimi sumiiffiit annertuumik aatsitassaqaarsinnaanerit periarfissaqartut, ingerlasussanik piareersaanermi killilimmik unammilligassaqaarfiusut aammalu paasissutissat nalunaarsukkat geofysiskiusut sumiiffimmi ilisimasanut tunngavissanik malunnaatilimmik pitsanngorsaasussatut naatsorsuutigineqartut, aallaavigineqassapput. Peqatigisaanik nunap immikkoortuini geofysiskinik misissuinerinik nutaanik aallartitsinissamut kiisalu qaammataasiatigut paasissutissanik nalunaarsukkanik pisinissamut aningaasarsiorneqarnissamut imaluunniit suleqateqalernissamut periarfissat Naalakkersuisut misissorpaat.

Konkrete initiativer

- 14.3. Geofysiskinut paasissutissat nalunaarsukkat suussusaannik, katersorneqartussanik suussusersiinissamut kiisalu nunap assiliornerup tulleriinnilersorneqarnissaanik pingaarnersuineqarnissamut piareersaataasumik misissuataarinerup ingerlanneqarnera.
- 14.4. Nunap immikkoortuini geofysiskinik misissuineqarnissamut qaammataasatigullu paasissutissanut nalunaarsukkanut aningaasarsiorneqarnissamut periarfissanik qulaajaaneq.



Ilusiliaq 10: Ujarassiuut qaqqat sisoortarnerinik pisoqarfiusuni nakkutiginninnermut dronit atorpaat, uani 2024-mi Uummannap eqqaani. (Assiliisoq: Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik).

Qaqqat sisoortarnerat alapernaarsuinerlu

Ukiuni kingullerni Kalaallit Nunaanni pinngortitami ajunaarnersuaqarnerit akulikinnerusumik misigineqartarput. Taakkua amerlanertigut pisunut, soorlu assersuutigalugu qaqqap sisoornera, tamatumalu malitsigisaanik tassaarsuaqarnera, tunngassuteqartarput. Naalakkersuisut taamatut itturnik pinngortitami ajunaarnersuaqarsinnaanera akiorniarlugu suliniuteqarnertik ingerlatiinnarpaat. Ajunaarnersuaqarnerusinnaasunut sunnertianerup sunnerneqarnerullu annikillisinneratigut aamma lu ataavartumik sumiiffiit qaqqat sisoorfigisartagaasa alapernaarsorneqarnerisigut taamaaliorsinnaavugut, tamatuma kingorna qaqqap sisoorluni pisoqarsinnaanerata ilimanaateqarnera annertussusisaalu nalilersorneqartarlutik.

Piffissami periusissiap atuuffissaani sumiiffinnik qaqqap sisoornissaanik aarlerinaateqartuni alapernaarsuiner-mik suliaqarneq ingerlaannassaaq. Aamma sumiiffiit qaqqani sisoorfiu-sinnaasut nutaat nunap assiliorne-qassapput. Misissueqqaarnerit sulia-rineqarnerisa ingerlatiinnarnissaat aammalu qaqqat qajannartortaasa alapernaarsorneqarnissaat pingaarute-qarpoq, pissutigalugu taakkua innut-taasunut aarlerinartorsiortitsisinnaam-mata. Qaqqat sisoortarneri aammalu ataatsimut isigalugu pinngortitami ajunaarnersuaqarnerit pissusissami-soortumik annertuumik eqqumaffi-neqarput. Taamaattumik sumiiffinni qaqqani sisoorfiusartuni killiffik pillugu ingerlaavartumik paasissutissiisarnernup ingerlatiinnarnissaa pingaaruteqarpoq. Aatsitassanut allaffeqarfiup ilisimatusarnermik suliaqarneq tunngavigalugu qaqqat sisoornissaannut aarlerinaataasut nalilersortarpai. Taakkununga ilaatigut nunap sannaanut ilisima-tuussutsikkut paasissutissat nalunaarsukkat, sumiiffinni qaqqat sisoorfigisartagaannit uuttortaanernit saqqummertut, aallaavigineqarput. Tamanna upalungaarsimanikkut nalilersuinernut, Upalungaarsi-manermut Ataatsimiititaliarsuup pinngortitami ajunaarnersuaqarnernut, aarlerinaataasunik aqutsi-nermut, isumannaallisaanikkut ilimasaarinernut pisariaqarpallu qimarngussinissanut tunngatillugu ingerlattagaannut, aamma tunngavigineqarpoq.

Kalaallit Nunaanni Upalungaarsimanermut Ataatsimiititaliarsuaq

Kalaallit Nunaanni upalungaarsimaneq pillugu apeqqutini Naalakkersuisunut siunnersuinissaq kiisalu pisuni ajornartoorfiusuni paasissutissanut tunngavissanik tamakkiisunik pissarsititsinissaq aammalu oqartussat akuusut ingerlataasa periu-sissatigut ataatsimoortitsinissaq, siunertaralugit Kalaallit Nunaanni Upalungaarsimanermut Ataatsimiititaliarsuaq pilersinneqarpoq.

Kalaallit Nunaanni Upalungaarsimanermut Ataatsimiititaliarsuaq 7-inik aalajangersimasunik ilaasorta-qarpoq aammalu aalajangeeqataasinna-anatik ataatsimeeqataasartut, kalaallit danskillu oqartussaasuinit aallartitat pingasut ilaasortaal-lutik.

Konkrete initiativer

- 14.5. Ilisimatusarfinnik suleqateqarnerup ingerlatiinnarnissaa, nutaanik suleqatigiinnissamut isumaqatigiissuteqarneq.
- 14.6. Qaqqani sisoorfiusartunik qajannartortalinnik nakkutiginninnerup ingerlatiinnarnissaa.
- 14.7. Qaqqat sisoortarnerannut nunap assiliornissamut pisussanut pilersaarummik atuutsi-tsilernissaq.
- 14.8. Pinngortitami ajunaarnersuaqartarnermut suliaasaqarfimmi innuttaasunik paasissutissii-sarnerup annertusarneqarnerata ingerlatiinnarnissaa, ilanngullugu nunap assinginik qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaar-nersuaqartarnerit pillugit paasititsiniaanerup ingerlanneqarnissaa.
- 14.9. Qaqqat sisoornissaasa aarlerinaateqarnerannik ujarassiornikkut nalilersuinissamut periusis-siamik suliaqarnissaq.

Paasissutissanik nalunaarsukkanik pilersitsinissaq avitseqatigiittarnissarlu

Nunap assiliorneq paasissutissatigut nalunaarsukkatigut oqimaatsuvoq, taamaattumillu paasissutissat nalunaarsukkat ataatsimoortukkaat annertuut aalajaannerusumik uninngasuutiginnissaannut periarfissaqalernissaq sulissutigineqarpoq. Paasissutissat nalunaarsukkat ataatsimoortukkaat najukkaneersunit aammalu nunani tamalaani soqutiginnittunit suliaqartuniillu pissarsiarineqarsinnaassapput. Nunap sannaanut ilisimatuussutsikkut paasissutissat nalunaarsukkat pissarsiariuminarnersinnissaannut suliniuteqarneq Naalakkersuisut ingerlatiinnassavaat. Piffissami periusissiap atuuffissaani pitsaassusaannik qulakkeerinissaq aammalu oqaluttuarisaanermi, nunap sannaanut paasissutissat nalunaarsukkat annertunerusut tamanut saqqummiunneqarnissaat, sulissutigineqassapput.

Assersuutigalugu ujaqqanut pinnersaasiassanut suliassaqarfiup iluani, annikitsumik aatsitassarsiornissamut pinsinaatitsissummik pigisaqartunut allanullu soqutiginnittunut sammititamik, aatsitassarsiornissamut pilersaarusiornermut ilitersuut suliarineqaleruttorpoq. Aatsitassarsiornissamut pilersaarusiornermut ilitersuutip ilaa siulleq Kalaallit Nunaata avannaanut tunngassuteqarpoq. Iltersuut, suliaqarnerup naammassisarnera ilutigalugu, ingerlaavartumik saqqummersinneqartassaaq. Peqatigisaanik ujaqqanut pinnersaasiassanut qarasaasiatigut paasissutissaasivik annertusarneqassaaq aammalu ujaqqanut pinnersaasiassanut suliassaqarfimmi paasissutissat nalunaarsukkat nutaat pilersinnissaat tamanullu saqqummiunneqarnissaat sulii ukkatarineqarpoq.

Aatsitassanut qarasaasiatigut paasissutissaasivik
www.greenmin.gl aatsitassanut qarasaasiatigut paasissutissaasivimmut GEUS aamma Namminersorlutik Oqartussat akornanni suleqatigiinnikkut ingerlanneqartumut, annertuumut inissisimaffiuvoq.

Peqatigisaanik paasissutissat nalunaarsukkat nutaat aammalu aatsitassarsiorluni misissuinerumut naleqquttut sulii pilersinneqartassapput. Paasissutissat nalunaarsukkat taakkua pissarsiariuminartuussapput digitalinngortinneqassallutillu. Taamaattumik piffissami periusissiap atuuffissaani GEUS suleqatigalugu Kalaallit Nunaannut iserfissiaq Greenmin.gl annertusitinnissaa pitsaanerulernissaalu ingerlatiinnarneqassaaq.

Konkrete initiativer

- 14.10. Nunap sannaanut ilisimatuussutsikkut paasissutissat nalunaarsukkat nittartakkatigut pissarsiariuminarnersinnissaat.
- 14.11. Kalaallit Nunaata avannaani ujaqqanik pinnersaasiassanik ujarlernerumut ilitersuutip suliarineqarnera tamanullu saqqummiunneqarnera.

Carbon Capture and Storage (CCS)

The CCS technology for capturing and storing CO₂ in the subsurface is a technology that will contribute to reducing the CO₂ content in the atmosphere. In 2023, the Government of Greenland approved Greenland's strategy for CO₂ capture and storage, and the implementation of this will continue during the strategy period.

Konkrete initiativer

- 14.12. CO₂-nik unerartitsisarnerumut toqqorsivimmiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa .



*Ilusiliaq 11: Basalti qaqqat anitsisartuneersoq pissusissamisoortumik karbonat-inik nakkaal-
nertaqartoq. Kuannini katersorneqartoq, Qeqertarsuaq 2024. (Assiliisoq: Inuussutissarsior-
nermut, Niuernermut, Aatsitassanut, Inatsisit Atuutsinneqarnerannut Naligiissitaanermullu
Naalakkersuisoqarfik).*

Qillerummit qaqitanut toqqorsivik

Kalaallit Nunaat siusinnerusukkut peqarfinnit misissorneqartunit qillerummit qaqitanik asseqann-gitsunik katersugaateqarpoq, qillerummit qaqitat 150.000 meterinit annertunerusut tassaniillutik. Qillerummit qaqitat ingerlatseqatigiiffinnut, taakkua sumiiffimmi misissuisussanngorneranni, an-nertoorujussuarmik naleqarput, tassami qillerinerit ingerlannissaat akisoorujussuummata. Missin-gersorneqarpoq qillerummit qaqitat pioreersut qillerummit qaqitanut toqqorsivimmiittut ataatsimut katillugu 225 millioner koruuninit annertunerusumik naleqartut. Maannakkut qillerummit qaqitanut toqqorsiviusoq ulikkaarpoq, aammalu atoruminartuunani. Assersuutigalugu ukioq tamaat maannak-kut toqqorsivimmi atortorisarutit tikinneqarsinnaanngillat. Toqqorsivimmik nutaamik, siunissami atuisut pisariaqartitaannik ilaqartinneqarsinnaasumik, nukinginnartumik pisariaqartitsisoqarpoq. Naalakkersuisut qillerummit qaqitanut toqqorsivimmut nutaamut, piffissami periusissiap atuuffissaani pilersinneqartussamut, avataaniit aningaasassarsisimapput.

Qillerummit qaqitanut paasissutissaasivimmi pioreersumi nunap sannaanut paasissutissat nalunaar-sukkat, soorlu qillerummit qaqitanut allattukkat nassuiaanerillu, ilanngutsinneqarsinnaanngillat. Qil-lerummit qaqitanut paasissutissaasivik nutaaq, toqqorsivimmi aqutsinermik kiisalu nunap sannaanut paasissutissanut nalunaarsukkanik passussiviusinnaasoq, pisariaqartinneqarpoq. Qillerummit qaqitat tamarmik periaatsimi nalunaarsorneqartussaapput, aammalu qillerummit qaqitat nalunaarsorneqarsi-manngitsut, ikkussorlugit pitsaassusaallu qulakkeerlugu suliaqarneq pisussaavoq. Qillerummit qaqi-tanut paasissutissaasivik nutaaq tamanit tikikkuminartuutitsinissamik pitsanngorsaaqataasussaavoq, taamaalilluni siunissami aatsitassanut suliffissuarnut allanullu soqutiginnittunut qillerummit qaqita-nut paasissutissat nalunaarsukkat pissarsiariuminarnersinneqassallutik.

Konkrete initiativer

- 14.13. Establishment of a new drill core data system.
- 14.14. Establishment of a new drill core storage facility.
- 14.15. Initiate registration of drill cores that are not yet registered in the system.



Naggasiineq

Aatsitassanut periusissiaq suliniutissanik aalajangersimasunik, aatsitassarsiornermik suliaqartunut ineriartornissamut periarfissanik nukittorsaasussanik saqqummiiviuvoq.

Aatsitassarsiorfimmik ingerlatsineq nunarput tamakkiisuutillugu, pingaartumillu innuttaasunut, ineriartortitsinissamut pissusiviusuni periarfissaavoq – iliniartitaanermiit eqeersimaartumik pissarsiaqarfiulluutarmillu sulilernissamut. Nunarput angisoorujussuuvuq, tamannalu nukittuffiuvoq aammalu unammilligassaalluni. Nukittuffiuvoq pissutigalugu nunap sannaani periarfissaqarfiit naammattumik inissaqarmata aammalu suli misissuiffigineqarsimanatik. Unammilligassaavoq pissutigalugu attaveqaasersuutitigut unammilligassat malittaammata.

Aatsitassanut periusissiami matumani, suliffissuaqarnermik ingerlalluutarmik piujuartussamillu pileritsinissamut pisariaqartitsinerit piumasaqaatillu naammassineqartussat Naalakkersuisut attaveqaqatigiissutigaat. Neriutigaarput aatsitassanut suliaqarfiup ineriartortinnissaanut siunnerfiit pillugit innuttaasut suliffissuillu oqaloqatiginerat ingerlaannassasoq, nunarput tamakkerlugu iluaqutaasumik periarfissaqarnerulerluni piujuartitsiviusumillu pissarsiaqarfiulluni.

Ilanngussaq 1: Aatsitassanut periusissiaq aamma Naalagaaffiit Peqatigiit nunarsuarmi anguniagaat

Tulliuttuni Aatsitassanut periusissiaq, naatsunngorlugu qulequttani pingaarnerni sisamani kiisalu Naalagaaffiit Peqatigiit Nunarsuarmi anguniagaanni, Aatsitassanut periusissiamut tunngassuteqartuni saqqummiunneqarput. Peqatigisaanik tikkuussisut aammalu sunniutissat ataasiakkaat, periusissiap atuuffissaani anguneqartussat sulissutigineqartut, oqaasertalersorneqarput. Naalagaaffiit Peqatigiit Nunarsuarmi anguniagaasa ataatsimoortinneqarneranni Aatsitassanut periusissiami – Kalaallit Nunaannut nunarsuarmilu inuiaqatigiinnut iluaqutaasumik - anguniakkat killissaasa iluanni ataasiakkaati-gut qanoq akisussaaffimmik tigusiisoqarnerseqqissarneqarpoq.

Ukkatarinniffik 1: Piujuartitsineq aamma inuiaqatigiit

Naalagaaffiit Peqatigiit anguniagaasa ilaat 4.4 Inuit imminut pilersor-sinnaasut amerlisinneqarlik

2030 sioqqullugu inuusuttut inersimasullu naleqquttunik pikkorissuse-qartut, ilanngullugit teknikkinut inuussutissarsiornermullu sammisunik pikkorissuseqartut suliffeqarnissamullu piginnaasaqartut, suliffissat pitsaa-sut aallarnisaanerillu, annertuumik amerlisinneqassapput.



Kalaallit Nunaanni Tikkuussisut

1.i.1. 2030 sioqqullugu Kalaallit Nunaanni inuusuttut inersimasunni, aatsitassarsiornermik suliffis-suaqarnerup iluani naleqquttunik pikkorissuseqartut, amerlanerulersimassapput.

Kalaallit Nunaanni Suliniutissat

1.2. Aatsitassanut suliassaqarfimmi paasissutissiisarnerup ukkatarineqarnera, ilanngullugit ilinniarti-taanermut suliffissanullu periarfissat, aammalu aatsitassanut suliassaqarfik aamma aatsitassat inuiaqa-tigiinni aningaasarsiorfitsinerat pillugu innuttaasut oqaloqatiginerunissaat.

Naalagaaffiit Peqatigiit anguniagaasa ilaat 5.1 Arnanik nivarsiaqqanil-lu immikkoortitsinerit tamarmik unitsillik

Arnanik nivarsiaqqanillu tamanik immikkoortitsinerit tamarmik sumilu-unniit unitsinneqassapput.



Kalaallit Nunaanni Tikkuussisut

1.i.2. 2030 sioqqullugu aatsitassanut suliassaqarfiup iluani naligiissitaanermut paasititsiniaaneq inger-lanneqassaaq.

Kalaallit Nunaanni Suliniutissat

1.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa.

1.8. Aatsitassarsiornermi suliffissuaqarnermi suaassutsinut misissueqqissaarnernik aamma suaas-sutsit agguarsimanerannut naatsorsueqqissaarnernik aallaaviusussanik suliaqarneq.

1.9. Suliffeqarnerup suaassutsinut agguarsimasup akiornissaa siunertaralugu aatsitassarsiornermi suliffissuaqarnermi sullivinnut naligiissitaanermut paasititsiniutiginerata ingerlanneqarnera.

1.10. Aatsitassarsiornermi suliffissuarnut naligiissitaanermut ilitersuutinik, ingerlatseqatigiiffiit ingerlatseqatigiiffiup suliassaqarfiisa immikkoortuini tamaginni suaassutsinik tamaginnik akuliutsits-inerulersinnaanersut, erseqqissaasunik, suliaqarneq.

Naalagaaffiit Peqatigiit anguniagaasa ilaat 7.2 Nunarsuarmi nukissiuutit ataavartut agguarneqarnera annertusili

2030 sioqqullugu nunarsuaq tamakkerlugu nukissiuutini akuleriinni nukissamik ataavartussamik atuineq malunnartumik annertusineqassaaq.



Kalaallit Nunaanni Tikkuussisut

1.i.3. Aatsitassarsiornermik suliffissuaqarnermi ataavartumik nukissiorneq annertunerulersinneqassaaq.

Kalaallit Nunaanni Suliniutissat

1.5. Suliniutinik, ataavartumik nukissiuutini atuineri suliffissuarnut pitsaanagerusunik atugassaqartitsilersinnaasunik, suliaqarneq aallartitsinerlu.

1.6. Ilisimatusarfinnik Issittup aamma ataavartumik nukissiornerup, assersuutigalugu erngup nukin-ganik seqernullu nukingamik, iluani misillitagalinnik suleqateqarnerulernissaq.

Naalagaaffiit Peqatigiit anguniagaasa ilaat 12.6 Suliffeqarfiit piujuartitsisussamik iliuuseqarnissamut kajumissuseqalersinneqarlik

Suliffissuit piujuartitsiviusumik sulinissaannut kajumissaassavagut. Tamatumani pingaartumik suliffe-qarfissuit aamma nunani tamalaani suliffeqarfiit pineqarput. Peqatigisaanik suliffeqarfiit ukiumoortu-mik nalunaarusiaminni piujuartitsinermut paasissutissanik ilanngussisar-nissaannut kaammattorneqassapput.



Kalaallit Nunaanni Tikkuussisut

1.i.4. Aatsitassarsiorfiutileqatigiiffiit, piujuartitsineq pillugu nalunaarusia-nik tamanut saqqummiussisartut amerlassusaat.

Kalaallit Nunaanni Suliniutissat

1.4. Avatangiisini inooqatigiinnermilu tunngavissanut kiisalu suliffeqarfiit pissusilersortarnerannut tunngatillugu (ESG-nut suliaasaqarfik) aatsitassarsiornermi suliffissuarnik oqaloqateqarneq.

Naalagaaffiit Peqatigiit anguniagaasa ilaat 13.3 Silap pissusaata allanngoriartornerata pakkersimaarnissaanut ilisimasamik pisinnaasanillu inerisaasoqarli

Nunarsuup kissatsikkiartornerata unikaallatsinnissaanut aammalu silap pissusaata allanngoriartorneranut naleqqussarnissatsinnut ilisimasat na-linginnaasut annertunerulersissavagut periarfissallu eqqumaffiginerulissal-lugit. Tamanna ataasiakkaani aammalu sullissivinni pissaaq. Peqatigisaanik siusissukkut ajoqusiinerit eqqoriarsinnaanissaannut killilersimaarnissaannullu pisinnaasagut annertunerulersissavagut.



Kalaallit Nunaanni Tikkuussisut

1.i.5. Aatsitassarsiornermi suliffissuaqarnerup mingutsitsinngitsumut allanngoriartortitsineri-mut iluaqutaanera paasisitsiniutigineqassaaq.

Kalaallit Nunaanni Suliniutissat

1.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriar-tortinnissaanut iluaqutaanerisa erseqqissarneqarnissaa.

Naalagaaffiit Peqatigiit anguniagaasa ilaat 16.6 Pisortani suliffeqarfiit sunniuteqarluartut, akisussaassusillit paasiuminartullu pilersinneqarlik

Pisortani suliffeqarfiit inissisimaaffinni tamaginni sunniuteqarluartumik, akisussaassusilimmik paasiuminartumillu ineriartortissavagut.



Kalaallit Nunaanni Tikkuussisut

1.i.6. Aatsitassanut oqartussaq innuttaasut inersimasortaasa akornanni annertuumik tatigineqarpoq.

Kalaallit Nunaanni Suliniutissat

1.1. Aatsitassarsiornermi suliffissuaqarnermut isummertarnerit pillugit innuttaasuni misissuinernik minnerpaamik marlunnik ingerlatsinissaq.

1.11. Aatsitassanut suliaasaqarfimmut paasissutissiisarnermut nittarsaassisarnermullu periusissiamik nutaamik suliaqarneq atuutsitsilernerlu.

Ukkatarinniffik 2: Aningaasaliinissamut killissaliussat kajungernartut

Naalagaaffiit Peqatigiit anguniagaasa ilaat 8. Aningaasaqarnikkut siuariartorneq piujuartussaq pilersinneqarli

Nunami namminermi pissutsinut naapertuuttumik aningaasaqarnikkut siuariartorneq attatiinnassavarput, pingaartumillu nunani ineriartorfiunginnerusuni minnerpaamik 7 procentinik ukiumoortumik aningaasaqarnikkut siuariartornissaq qulakkiissallutigu.



Kalaallit Nunaanni Tikkuussisut

2.i.1. Aatsitassarsiorluni misissuinermut aningaasartuutaasartut annertusiartornerat.

Kalaallit Nunaanni Suliniutissat

2.1. Aatsitassanut nittarsaassivimmi Prospectors & Developers Association of Canada Convention (PDAC) nittarsaassisarnerup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq.

2.2. Ilaatigut avammut nioqquteqarnermut eqqussuinermullu aningaaseriviit aqqutigalugit suliaasat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.

2.3. Kalaallit Nunaanni akileraarutinut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit.

2.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput.

Naalagaaffiit Peqatigiit anguniagaasa ilaat 8.3 Politikki sullivissanik pilersitsisussaq suliffeqarfinnillu siuarsaasussaq ingerlanneqarli

Ineriartortitsineq naleqquttunik suliffissanik pilersitsiviusoq aammalu ingerlatassanik pilersitsiviusartunik, aallarnisaanernik, nutaaliorsinnaasunik nutaaliornernillu tapersisussaq ukkataralugu, politikikkut aalajangiisarnertit siuarsassavagut. Aamma suliffeqarfeeqqaat, suliffeqarfiit mikisut, akunnattumillu angissusillit siuariartornissaat ileqqussanngortinnissaallu tapersersussavarput, ilanngullugu aningaaserivinnik ingerlatsisunut attaveqalersinnerisigut.

2.i.2. Aatsitassarsiornermik suliffissuaqarnermi suliffissaqartinneqartut, suaassutsinut agguarlugit, amerlanerulernerat.



Kalaallit Nunaanni Suliniutissat

2.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujuartitsisumik ingerlatsinissap nukittorsarnissaa.

Naalagaaffiit Peqatigiit anguniagaasa ilaat 9.3 Suliffeqarfiit mikisut aningaasalersuinikkut sullissinernut periarfissaqarnerat annertusili

Suliffeqarfiit mikisut aningaaserivinnik ingerlatsisunut attaveqalersissavagut, ilanngullugulu anigorneqarsinnaasumik akeqartitsilluni aningaasanik taarsigassarsiniarsinnaaneq. Tamatumani pingaartumik nunat ineriartorfusut pineqarput. Suliffeqarfiit mikisut niuerfinni aningaasarsiorfinnilu pitsaanerusumik akuulersinneqassapput.



Kalaallit Nunaanni Tikkuussisut

2.i.3. Aatsitassarsiornermi suliffissuit aamma aningaasaateqarfiit aningaasaliisartut ataatsimeeqatigiit-tarnerisa amerlanerulernerit.

Kalaallit Nunaanni Suliniutissat

2.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aqqutissiuussisarneq.

2.6. Aatsitassat ataasiakkaat nassaarineqartut naleqarnerulersinnissaat siunertaralugu annikitsumik aatsitassarsiornermut suliassaqaarfimmi pisinnaatitsissummik pigisaqartunut akuersissummik allagartaliisarnermut aqqissuussinermik ineriartortitsineq.

2.7. Ataasiakkaatigut pisariaqartitsilernermi aammalu isumaqatigiissut taamaattoq aatsitassarsiornermi suliffissuaqarnermut tunngavissisinnaappat, siunnerfilimmik akileraartarnermut isumaqatigiissutit sulissutigineqarnerat.

Naalagaaffiit Peqatigiit anguniagaasa ilaat 16.5 Peqquserlunneq akiliil-lunilu peqquserlutsitsineq annikillisarneqarujussuarlik

Peqquserluutit akiliillunilu peqquserlutsitsinerit suut tamaasa annikillisa-rujussuassavagut.

Kalaallit Nunaanni Tikkuussisut

2.i.4. Inuit pisortani sulisumik minnerpaamik ataasiarlutik attaveqarsi-masut aammalu pisortani sulisumut akiliillutik peqquserlutsitsinissamut akiliisimasut, imaluunniit qaammatit 12-it kingulliit iluanni pisortani sulisumik akiliillutik peqquserlutsitseqquneqarsimasut amerlassusaat.

Kalaallit Nunaanni Suliniutissat

2.9. Naalakkersuisoqarfiup peqquserluttoqannginnissanut politikkiata nutarterneqarnera.



Naalagaaffiit Peqatigiit anguniagaasa ilaat 16.6 Pisortani suliffeqarfiit sunniuteqarluartut, akisussaassusillit paasiuminartullu ineriartortinneqarlik

Pisortani suliffeqarfiit inissisimaffinni tamaginni sunniuteqarluartumik, akisussaassusilimmik paasiuminartumillu ineriartortissavagut.



Kalaallit Nunaanni Tikkuussisut

2.i.5. Qinnuteqaatinik suliarinninnermut piffissap atorineqartup sivikinnerunissaa.

Kalaallit Nunaanni Suliniutissat

2.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqaqatigiinnerulernissaq ilanngullugu. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqaqatigiinnerulernissaq ilanngullugu.

2.11. Suliassanik suliarinnittarnerup eqaannerulersinneqarnissaa siunertaralugu akuersissutitut sule-riaatsinik, atugassarititaasunik nalinginnaasunik il.il nutarterineq.

2.12. Aatsitassanut Ikummatissanullu Aqutsisoqarfiup piffissami asimi suliaqarfusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq.

2.13. Aatsitassanut ikummatissanullu allaffissornikkut aqutsisut (Naalakkersuisoqarfik aamma Aqut-sisoqarfik) aaqqissuussaannerisa misissoqqissaarneqarnissaannik ingerlatsineq aamma aaqqissuussaa-nerup ilusiligaaneraniq nutaamik atuutsitsilersinnaaneq.

Naalagaaffiit Peqatigiit anguniagaasa ilaat 17.14 Piujuartussamik ineriartortitsinnermut politikkit ataqatigiinnerat nukittorsarneqarli

Piujuartitsiviusumik ineriartortitsineq nukittorsarniarlugu politikikkut aalajangiisarnarit (ataqatigiissumik) ataqatigiinnerinik pitsanngorsaassaa-gut.



Kalaallit Nunaanni Tikkuussisut

2.i.6. politikikkut aalajangiinnerit aamma aningaasanut inatsimmi atugassanngortitsinerit imminnut ataqatigiinnerat

Kalaallit Nunaanni Suliniutissat

2.8. Suliffissuit akornanni sunneeqatigiittarnerup tunngavissinnissaanut, ilaatigullu assartuussinerup internet-ikkullu attaveqaqatigiinnerup iluanni attaveqaasersuutit nukittorsarniarlugit, pisortani oqar-tussat akornanni suliassaalertartut suleqatigiissutiginerulernissaat.

Anguniakkat ilaat 17.17 Sunniuteqarluartumik suleqateqartarnerit atorineqarnerulerlik

Pisortat suliassaqarfii, inuussutissarsiortut namminersortut aamma inuiaqatigiit akimorlugit peqatigiittarneq siuarsassavarput kaammattuuti-gissallugulu. Tamanna peqatigiinnernik misilittakkagut taakkualu isumal-luutitut periusissiai tunngavigalugit inerisaqqinneqassaaq.



Kalaallit Nunaanni Tikkuussisut

2.i.7. Pisortani suliffissuit, aatsitassarsiornermi suliffissuit, pilersuisut aamma/imaluunniit tamat akor-nanni ataatsimiinnerit amerlassusaat.

Kalaallit Nunaanni Suliniutissat

2.15. Pisortat suliassaqrifiisa, aatsitassarsiornermik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqutissiuussisarneq.

2.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqutissiuussineq.

Ukkatarinniffik 3: Aatsitassat pisariaqartinneqarlutik pingaarutillit

Naalagaaffiit Peqatigiit anguniagaasa ilaat 8.1 Aningaasaqarnikkut siuariartorneq piujuartussaq pilersinneqarli

Nunami namminermi pissutsinut naapertuuttumik aningaasaqarnikkut siuariartorneq attatiinnassavarput, pingaartumillu nunani ineriartorfiunnginnerusuni minnerpaamik 7 procentinik ukiumoortumik aningaasaqarnikkut siuariartornissaq qulakkiissallutigu.



Kalaallit Nunaanni Tikkuussisut

3.i.1. Aatsitassarsiorluni misissuinnermut aningaasartuutaasartut siuariartornerat.

Kalaallit Nunaanni Suliniutissat

3.4. MSP Forum-ip Kalaallit Nunaat pillugu paasisutissiinnermut suliassanullu aningaasalersuinerup tunngavissinnissaanut atorineqarnissaa.

Naalagaaffiit Peqatigiit anguniagaasa ilaat 17.6 Ilisimasanik avitseqatigiittarneq, ilisimatuussutsimut periarfissaqarneq, teknologii nutaaliornertu annertusineqarli

Avannaani kujataanilu nunat akornanni aammalu nunap immikkoortui akimorlugit nunanilu tamalaani ilisimatusarnermi suleqatigiinneq pitsaanerulersissavarput. Suleqatigiinneq ilisimatuussutsimut, teknologiimut nutaaliornermullu periarfissaqalersitsissaaq, aammalu ataatsimut isigalugu ilisimasanik avitseqatigiittarneq, atugassarititaasut illuatungeriilluni isumaqatigiissutigineqartut, tunngavigalugit aamma pitsaanerulersinneqassaaq. Tassani ilaalluni suleqatigiinnerit ingerlareersut pitsaanerususumik ataqatigiissaarnerisigut, pingaartumik Naalagaaffinni Peqatigiinni, aammalu teknologiinik paarlaasseqatigiinnissamut nunarsuarmi suleqatigiinnikkut.



Kalaallit Nunaanni Tikkuussisut

3.i.2. Aatsitassanut oqartussaq nunat akornanni ilisimatuussutsikkut aamma/imaluunniit teknologiikkut suleqatigiinnissamut isumaqatigiissutini pisussanullu pilersaarutini, suleqatigiinnerup suussusaa malillugu agguagaasuni, arlalinni ilaavoq.

Kalaallit Nunaanni Suliniutissat

3.1. Aningaasarsiorfiit piujuartussat pillugit EU-periusissatut suleqatigineqarnerata atuutsinneqalernissaa.

3.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa.

3.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikkikkut pissutsinit aqunneqarsinnaapput.

Ukkatarinniffik 4: Nunap assiliorneq aamma nunap sannaanut paasissutissat nalunaarsukkat

Naalagaaffiit Peqatigiit anguniagaasa ilaat 9.4 Ilisimatusarneq nukittu- nerulersinneqarli, aammalu suliffissuarni teknologii nutarterneqarli

Suliffissuarni teknologiini annertunerusumik ilisimatusassaagut aammalu nunani tamaginni, pingaartumik nunani ineriartortuni, taakkua nutar-

tissallutigu. 2030 sioqqullugu nutaaliorneq kaammattuutigissavarput, aammalu inuit amerlanerujussuit ilisimatusarnermik ineriartortitsinermillu suliaqassapput. Pisortat aamma namminersortut tamatumunnga aningaasaliinerusalissapput.



Kalaallit Nunaanni Tikkuussisut

4.i.1. Aningaasanut inatsisikkoortumik aatsitassanut suliassaqarfimmi ilisimatusarnermut ineriartortitsinermillu aningaasartuutit.

Kalaallit Nunaanni Suliniutissat

4.1. Nunap sannaanut 1:100.000 angissuseritillugu nunap assiliornerup ingerlatiinnarnissaa.

4.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsissusanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliiner-mi annaasaqarsinnaanerannut annikillitseqataanissaq.

4.13. Qillerummit qaqitanut paasissutissaasivimmik nutaamik pilersitsinissaq.

4.14. Qillerummit qaqitanut toqqorsivimmik nutaamik pilersitsinissaq.

4.15. Qillerummit qaqitanik, periaatsimi nalunaarsorneqarsimanngitsunik, nalunaarsuinerup aallar-tinnissaa.

Naalagaaffiit Peqatigiit anguniagaasa ilaat 11.5 Pinngortitami ajunaar- nersuit ajoqusiisumik kingunerisartagaat annikillisinneqarlik

2030 sioqqullugu piitsut inuillu ajornartorsiorlutik inissisimasut iller-sorneqarnissaat ukkataralugu, inuit ajunaarnersuaqarnerani toqusartut

imaluunniit sunnerneqartartut annertuumik ikilisinneqassapput (tassani

ilaallutik immamut attuumassutilimmik ajunaarnersuaqarneri). Tamatuma

ingiaqatigisaanik nunarsuarmi aningaasaqarnermi ajunaarnersuarnik pissutilimmik aningaasaqarnik-kut toqqaannartumik annaasaqartarneq annertuumik annikillissavarput.



Kalaallit Nunaanni Tikkuussisut

4.i.2. 2026 sioqqullugu qaqat sisoornissaannut aarlerinaataasunik nalilersuiner-mut periusissiaq atuutsinneqalersimassaaq.

Kalaallit Nunaanni Suliniutissat

4.6. Qaqqani sisoorfusartunik qajannartortalinnik nakkutiginninnerup ingerlatiinnarnissaa.

4.7. Qaqqat sisoortarnerannut nunap assilior-nissamut pisussanut pilersaarummik atuutsitsilernissaaq.

4.9. Qaqqat sisoornissaasa aarlerinaateqarnerannik ujarassiornikkut nalilersuinissamut periusissiamik suliaqarnissaaq.

Naalagaaffiit Peqatigiit anguniagaasa ilaat 13.3 Silap pissusaata allanngoriartornerata pakkersimaarnissaanut ilisimasani pisinnaasanillu inerisaasoqarli

Nunarsuup kissatsikkiartornerata unikaallatsinnissaanut aammalu silap pissusaata allanngoriartorneranut naleqqussarnissatsinnut ilisimasat nalin-ginnaasut annertunerulersissavagut periarfissallu eqqumaffiginerulissallugit. Tamanna ataasiakkaani aammalu sullissivinni pissaaq. Peqatigisaanik siusissukkut ajoqusiinerit eqqoriarsinnaanissaannut killilersimaarnissaannullu pisinnaasagut annertunerulersissavagut.



Kalaallit Nunaanni Tikkuussisut

4.i.3. 2030 sioqqullugu pinngortitami ajunaarnersuaqartarnera pillugu paasititsiniaaneq ingerlanneqassaaq.

Kalaallit Nunaanni Suliniutissat

4.8. Pinngortitami ajunaarnersuaqartarnermut suliassaqarfimmi innuttaasunik paasissutissiisarnernup annertusarneqarnerata ingerlatiinnarnissaa, ilanngullugu nunap assingini qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaarnersuaqartarnerit pillugit paasititsiniaanerup ingerlanneqarnissaa.

4.12. CO₂-nik unerartitsisarnermut toqqorsivimiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa .

Naalagaaffiit Peqatigiit anguniagaasa ilaat 17.6 Ilisimasani avitseqatigiittarneq, ilisimatuussutsimut periarfissaqarneq, teknologii nutaaliornertu annertusineqarlik

Avannaani kujataanilu nunat akornanni aammalu nunap immikkoortui akimorlugit nunanilu tamalaani ilisimatusarnermi suleqatigiinneq pitsaanerulersissavarput. Suleqatigiinneq ilisimatuussutsimut, teknologiimut nutaaliornermullu periarfissaqalersitsissaaq, aammalu ataatsimut isigalugu ilisimasani avitseqatigiittarneq, atugassarititaasut illuatungeriilluni isumaqatigiissutigineqartut, tunngavigalugit aamma pitsaanerulersinneqassaaq. Tassani ilaalluni suleqatigiinnerit ingerlareersut pitsaanerumik ataqatigiissaarnerisigut, pingaartumik Naalagaaffinni Peqatigiinni, aammalu teknologiinik paarlaasseqatigiinnissamut nunarsuarmi suleqatigiinnikkut.



Kalaallit Nunaanni Tikkuussisut

3.i.4. Aatsitassanut pisortaqarfiknunar akornanni ilisimatuussutsikkut aamma/imaluunniit teknologiikkut suleqatigiinnissamut isumaqatigiissutini pisussanullu pilersaarutini, suleqatigiinnerup suussusa malillugu agguagaasuni, arlalinni ilaavoq.

Kalaallit Nunaanni Suliniutissat

4.3. Geofysiskinut paasissutissat nalunaarsukkat suussusaannik, katersorneqartussanik suussuser-siinnissamut kiisalu nunap assiliornernup tulleriinnilersorneqarnissaanik pingaarnersiutinissamut piareersaataasumik misissuataarinerup ingerlanneqarnera.

4.4. Nunap immikkoortuini geofysiskinik misissuinissanut qaammataasatigullu paasissutissanut nalu-naarsukkanut aningaasalersuinissamut periarfissanik qulaajaaneq.

4.5. Ilisimatusarfinnik suleqateqarnerup ingerlatiinnarnissaa, nutaanik suleqatigiinnissamut isumaqatigiissuteqarneq.

4.10. Nunap sannaanut ilisimatuussutsikkut paasissutissat nalunaarsukkat nittartakkatigut pissarsia-riuminarnernulernissaat.

4.11. Kalaallit Nunaata avannaani ujaqqanik pinnersaasiassanik ujarlarnermut ilitsersuutip suliarine-qarnera tamanullu saqqummiunneqarnera.

NAALAKKERSUISUT
GOVERNMENT OF GREENLAND



Imaneq 4
Postboks 930
3900 Nuuk

www.govmin.gl
www.greenmin.gl